

理寒石文



理寒石傳

理寒石名壘和河南西華人好古嗜奇博聞強記身長七尺須髯如戟初姓李氏寒石以為李本作理遂復從理中崇禎癸未鄉試值中原亂遷家南中張公蓬元有弟濬元鼎為河南參政守大梁知寒石深及蓬元奉命撫蘇松以其弟之友乃奏薦寒石為監紀推官與俱寒石外柔內剛語平字奇有所推問無不允當而謀議大事多引經傳以為證張公大倚重之乙酉春余因人有武夷之行過吳會訪寒石於署贈余以詩曰君到武夷山應泛武夷水曲山回處或有人姓理書之扇頭不踰年長江不守寒石從

卷六十五本傳

唐藩如閩與余見愀然不樂形容亦大憔悴曰前贈句蓋詩識也寒石性恬退不樂仕進身冠冕而心山林徒以母在無可為養故不辭官隆武初改授行在兵部職方司主事奉命檄度兵既至而虔州亂城亦將陷寒石度不能濟乃從城上投下死之子習奉祖母以歸

寒石既沒四方人士傳其已出家泛海過日本為國王師及讀余傳尚有相顧搖首不之信者然寒石實死虔州衆人因其生平好奇故附會其說以見異耳

韓程愈智度撰

從子作損存稿

此傳順治初即寄至西華當時未有知者迄康熙丁酉
予于李氏故書中檢出讀之知韓君乃大有心人也真
寒石先生死生知己特表之刊石以誌不朽

後學胡儼記

理寒石先生傳

吳中奇

寒石先生姓理名壘和其先出于咎繇之後理徵為殷夫
夫世文學居西華益茂先生甫韶知學即補邑博士弟子
有重名不可一世見者率以為狂先生夷然也于書無所
不覽而能不汨古人句下為文厭時流蹊逕卓然復古其
講學得白沙姚江之派學者宗焉先生不自異不知者則

卷六十五本傳

二

以為異也居恆多病如不勝衣至于言義理析利害忠孝
大節則確不可易癸未補科先生舉于鄉宏光間以才簡
授蘇州府司理兼畫浙直兵務尋監楚豫軍措置兵民戎
伍肅然中外方倚以為重壘

大清兵下閩越先生死之所著有沙水需言天經虞華集
行世

東林傳與賀仲軾合傳

陳鼎

西華理壘和字寒石舉于鄉本姓李恥與自成同姓因更
姓理學問該博與仲軾友好登高慷慨悲歌人莫能測亂
後航海而死

河南通志理寒石傳

杜俊章

理壘和西華人崇禎壬午舉人家貧深于理學門弟子從遊授經者數百人原姓李因恥與閩賊李自成同姓改姓理

陳州府志寒石先生傳

崔應階

理壘和字卿雲別號寒石本姓李恥與閩賊同易以理少孤力學苦讀書遲鈍乃習靜閉關旬餘忽通慧過目不忘師事胡湄園師故豪放而寒石亦縱達不羈親愛若父子縱飲狂歌嘯傲睥睨人皆以為狂而夷曠自若講學于白沙姚江之間所為詩古文詞奇情異致海湧山立縱橫排

卷六十五本傳

三

蕩自成一家以故名徹宸聽壬午鄉試未解名癸未欽命補雋蓋異數也及賊有西安赴選之檄偽令迫之百方卒堅臥不動竟得免孫徵君奇逢稱為魯仲連後一人甲申國變奉母避難金陵撫臣薦使監紀蘇州凡告諭皆殊書理壘和曰綴以辭人初見奇之為政五月吏畏民悅有神君之稱兼贊畫浙右兵務尋監楚豫軍和戢兵戎陳肅然宏光出亡追扈南遷失道過唐藩遂如虔以職方主事奉命檄虔兵甫至大兵下閩越乃墜城死之其友韓程愈葬之東郭外子習奉祖母以歸平生著述甚夥殉難後鮮有傳者孫徵君致書本令左君收其遺書今有沙水需言天

經虞華集行于世 縣志參豫變紀略

卷六十五本傳

續中州名賢文表卷第六十五

宛平 邵松年 伯英

理寒石先生 文集

賦

木芍藥賦 有敘

世有英雄而沈之此從來共恨者夫湮沈之恨矣矧夫
貶下挫抑何心哉則過昔人之說也吾聞水母以鰕為
目是詩人又以古昔為鰕矣夫吾水母也乎乙丑之春
讀書劉映壁秀才之還圃感木芍藥盛開因作賦寄意
一洗從來之恨其辭曰

續中州文表卷六十五

一

何世外一天人兮踏屢屨之春陽含千秋之情事兮託風
煙以隱腸尋晤語于同心兮迺就予江花之野挾策之傍
羌玉步之瓏瓏兮度虛室之幽香臆感予以仄聽兮揩淚
徑而悵悵夢夢之下土兮奉成說為低昂決重瞳于中
天兮橫獨論而堂堂厯墨苑以莽墟兮目既蒿而未央富
貴宜衆奪予蓮房智巧便佞眉山飛霜誰愛沈香之亭誰
羨百花之王付點翳于前後嗟疊恨于孤芳若乃幹挺金
鉞笑蘭茗之癡媚芎蒹雲霞悼筠檜之徒剛備員藥籠投
刀圭而報績轉瞬飄墮悟消息之靡常憶受苔于金輪兮
羣卉訾其乖方不先時以鬬捷兮甘流滯于落陽省嬌節

之嶽嶽兮魚頭失其翫
翫衆纖美以敷韻兮吾將以棣棣
自荒也泣玉亦吾之所醜兮悲夫人情之不識否臧也至
如倚風啣月象拍金黃雕欄錦幕緩咏飛觴添酒過于風
流聊以聽吾之短長予也杞其袂揜其裳慰顛倒于世情
消孤憤于悲涼魑魅公行于白日鴟鴞重臺于鳳凰謂南
朔而北越指地元而天黃哀我人斯胸棘面牆我結想寒
山之石壁女何續大院之猖狂天人長嘯而飛翔兮留餘
響於夢寐渺想思而難忘

小石賦 為杜持衡作

未顛之死千年遺落袖中之石兮如拳文樛曲以挈蛟翠

墳起而清斑夜窈窕以窺月朝縹緲而吐煙類啟母之季
子似佳人之墜鬟峰巒約其參差凹凸錯而盤嵌爰有好
奇之客安頓明牕之前盛以千秋出土繡澀之瓦器浸以
萬里走沙渚河之清泉石卵眷屬而磊磊新蒲茵蓐以芊
芊映帶劍戟圖畫包藏怪句新篇復有久客蕩子好友狂
仙飯飽青泥齒礪冰寒剗聞屯以駭異共把臂而結歡哀
有茶筴囊有酒錢不當李生之魚不典杜家之珍顏破從
來之隘眉訝此日之寬分明衛夫人之恨脾阿誰操刀而
刪或亦吾尼父之忠腸荷蕢笑其硜硜而裂焉縱五蠱之
翫翫豈能橫陳夫妍田悲用大之徒拙惟我與爾兮心相

憐短舌子笑而攫之曰人生升沈好風華唯此君兮堪傳
吾來陶上百日醒欲把此君兮酣眠

古體詩

短歌行

君子來來且醉此酒百年一呷何好何醜西下者日東上
者月勞勞造物頭白而雪彼其之子雄心如電帳羅玉女
壺投銀箭開樽懸珠椎牛夜宴氣熱無人金石祝算昨過
其墓棘不可去

我菊為豕所戕三首

賈生死梁傳汨羅沒屈原才大用未彈天意不可尋楚庭

卷六十五

三

與漢室狐鼠演成羣害頭過身者握篆何紛紛而此英雄
士棄置乃不存倪仰千秋淚感激誰能任自非氣數乖造
物厥亦仁小兒賊蜜劍斯人耽苦辛能修名且橫犄嗟二
子身歟吁掩當代適以櫻陳人笑啼矚羅織痛哭復行吟
隄防之疎闊吾鼎自不珍未學工作媚罪辜欲何云姬媼
飽鯉域猙獍佩玉金世界自爾爾無事讐蒼旻不見東籬
下有豕齧菊根高原多雨露反以榮荆榛

其二

董卓殺英雄厥臍亦焚炬林甫抗僞彥鞭尸無埋處造化
鍾奇物底事死相拒從來妒媚人毒董偏與聚癡肥飽鞠

驕僊蹇卧蓬蒿豈知屠家兒霍霍磨其刃狼吞及虎噬還
以自饕饕豕乎爾何恨鞠哉莫涕號維天理自明循環誰
可逃傷彼南山下秋風莽蕭蕭

其三

美人在朝廷不一蒙顧嘉擯斥於空谷乃以媚煙霞朝飢
暮不飽日日泣泥沙天子愛譏妾相公念娼家孤獨空自
好娛我顏如花風雨故相侮豺虎橫相加山林既零落槐
棘亦參差異時問美人墓木已巢鴉生不干城之無為多
嘆嗟寄言種荊者殷勤已護遮

天啟四年元日感懷

卷六十五

四

此日真索莫生死一臆幽自嘆未免俗卅載浪作游無端
淚縱橫令我始解愁苦憶前年事病父垂白頭呼兒呼兩
孫圍爐乾酒甌曠然窮澀外救我到千秋堯桀同筵會而
爭此潔修長夜凝懸眼天高不可訓慙愧忝所生嘆息塞
咽喉已無風雲氣徒勞往者羞兩孫瑒其稚厥墓望命邱
感深百計乖披書借研求昔人心獨苦不向世間謀嗟我
擬何為半生竟悠悠低徊無已極日夕空院秋寒風冥冥
發引恨與雪浮

送徐虞來家卿還鄉二首

天步方艱虞碩果不肯留遂初雖堪賦誰入告嘉猷東山

難久卧姓字燦金甌
張茲風渠遠新亭汨未收
還憶南車示玉瓚
注黃流無計負丹漆
相從五岳游

其二

承天資八柱匠石屬老成
鳳舉數千里何堪惜鴻冥
維聖占言遠楓絳覺涼生
豈不戀靈修蛾眉悔雙弓
寶茲顏如玉乃以慰蒼穹
東山雖雲卧良弼夢可通
姬旦念翹室風雨發金滕
一朝魚水契九蠱薦哀榮
奈此光儀隔頓歌重行行
關山悵絲邈蒼羊誰見稱
春暉還在眼寸草有餘情
恨不操几杖巖岫討遺經

別茅城感懷呈湄園泊洪元平

卷六十五

五

柴車凌晨發悠悠去故里
春淺寒猶側旅髻畏摧毀
嘆息道路長哀怨從中起
骨肉雖愛我奈何飢且死
草石雖留我窮愁終然在
圖書雖酬我還後來期
悵此北面師違之歌虎兕
誰令同胞友吹散如風雨
壯士甘貧賤丈夫貴心期
行役雖齟齬未敢忘煙水
若獨有千秋輕薄亦難解
何哉北征雁飛鳴不肯止
無家尚嗷嗷况我拋桑梓
念深重回顧涇雲隔彼此

顯慶寺夜月

寺荒無垣牆月色何奔肆
風嘿樹無言遠水聞蛙吹
香露洗骨髮七尺忽遺蛻
六字渾空冥生人自疣贅
客久誤沈

酣今夕解百醉無苦誰傳甘有笑還增泪天地剝毛膚真
宰失茫昧拈寺向何人只尺牽月袂長
山行即事
山花不知名離離爆紅雪深碧逗繁香嬌壓差相絮山空
會心遠雨洗黃埃絕行人爭採花採之志離別客從天際
來千里勞明月安得此山中勞歌送歸棹

河上騁望

遙望召陵城近見召陵樹召陵風煙中霸氣尚鬱怒造物
借雲雷指點駭行路我本流離人辭家逢春暮百憂戰病
身滿眼迷柳絮言念召陵城為仲涕知遇伶仃半死俾齟齬

卷六十五

六

齟無可數一朝解檻輿雄懷開天步南征仗大義方漢失
其固遂令山以東周王勞眷顧仲也閑幽宮小白忽自誤
三豎弄橫池伯業如脫兔昔年兩度登感深無言句今日
欲塞裳偶然遭惡颶般舫墮鬼國蛟螭爭攫聚低徊沙水
干驚濤向我訴客愁愁無端誰問渺茫故流水將客心浩
蕩天涯去

懷鄉寄叔弟

春盡子規劣啼破遊客情兀兀郎中坐病身苦側傾出門
無相識沙水一泓清隔河極目處時見召陵城懷古添憔悴
河干獨自行步履倚修樹嘆息淚縱橫飛鳥戀故巢我

乃事長征日夕雲歸岫遊客不能平還我邸中卧夢在茅
邑耕雖似暫還家笑語欠分明

秋懷

涼風起薄暮遊子懷千慮厥懷雖多端總為秋光誤況當
霜氣肅秋光逝將去徘徊疎林間問秋所在處攜觴送將
歸秋光不可遇黃花牽我裳幽怨如欲訴野鳥集我傍飛
鳴戀舊故水蕩與雲行滿眼堪留顧物華尚解愁迺怪我
契悟曠野垂青天繚戾如風雨俯仰再踟躕心情難吞吐
牢落已半生元髮將及素莫道不愁人誰為黃金鑄漠漠
秋光遠我自歌行路

卷六十五

下里曲

天上奏雲璈人間忽忽睡師曠聘茫蘿紅粉生顚顚莫笑
村醪濁社日家家醉

懷梁伯兄弟

天氣清雨後遠村處處明野漲生綃輦漁歌斷續風佳人
懸天末幽夢憺冥片心難自語仰視見征鴻遠意真堪
寄情深書不勝徘徊鴻已沒河上自經行雲影昧客懷孤
飛不肯停

丸山

我欲家太行寄懶深靜功補山之缺陷栽萬株怪松

百泉

我欲家百泉好為營菟養打碎諸臺榭放水自在流

贈韓程愈

君到武夷山應泛武夷水水曲山回處或有人姓李

題涓園先生讀書處

萬樹綠草堂風雨捲長濤中有散髮人痛飲讀離騷

大水懷洪元平

秋水如山崩倏忽驚鬼神汙邪與溝壑一夜白磷磷愁中
增駭怪當身值堯年魚鼈將媵婢羅宜誤我門門外高築
堰登望但寒津只疑冥冥處水天濶根因胥矣盡飢溺誰

卷六十五

八

敢卹賤貧感此心上友顛顛卧南村蛾眉不肯嫁履雪行
負薪幽獨無可娛泥塗傷我神潁水東西碕誅茅良苦辛
太平尚坎坷何況當厄屯我欲鞭河伯得得腦斯人裹飯
往從之舟筏不稱心明知擬何為生死不相聞孤寂倚杖
久澹波逝楓林遺響入懷抱髻髻接喟呻

哭劉躍如文學二首

男兒一生竟如此櫻空意氣頹不起落魄倔強五十年掉
頭人世如脫屣千金家破談笑中馬之得失有塞翁滅沒
鬼怪千秋膽曾摘扶桑海上紅自言舊住白雲鄉琉璃肺
肝元雪腸戲轟雷車搖碧落帝怒重摘作酒狂醉吐墨霧

弄妖恠光燄笑人人不祥孤劍風塵垂垂老雷煥肉消張
華亡長嘯燕越動九塞詞名雖劇骨亦憊一棺載身還如
夢雞壇錦遶河山外淒斷三春鳥與花僧舍誰翦昨歲茶
元黃蕭屑靈氣死客淚凝血滄日華

其二

雲怒黑天垂崩花鳥枯酒國空河水逆轟翠剗蒿墨站荒
裂春莫沸北風我欲乘紫虬白虹覓古帝布心盟云何斯
人有血有骨有須有眉有性靈玩弄人間使劍走青冥砂
河明月千杯酒爛醉騎蝶飛入何處綢不平遺草歷落千
萬字白魚得意飽縱橫匣劍漫漶芙蓉死留破錦囊與敗

卷六十五

九

鐺生奇蹇鬼定奇窮帝豈面牆失心宵帝憤罵朕果書生
人辟忌窮鬼憐窮肥酒大肉世有若英雄顧領際佗無朝
夕將此用報殿何終不信但倚鉤天望窮到天上始矜辨
曾否有無可喫可穿可奪屠沽之眼睛誰提冷水澆我背
斗然喚起昏睡醒歸來長憶罷怛怛不復留連玉樹著土
中只恨有話無說處為爾慷慨作驢鳴

沙水行有敘

沙水事千古有餘恨焉予讀書河嶼者三年未嘗不為
之子投淚也作沙水行

沙水奔波太放肆拍天浮空流粉膩非關水色變妖豔中

問強半美人淚莫驚美人淚波奢但使聞者俱捉鼻美人
生長在河干貌摘芙蓉氣吹蘭梳頭不羨靈蛇髻十指織
錦羞齊紈冰心嫌玉壺未潔懶題紅葉付鳴湍造物到此
不曉事飛擲春光三十次美人遮莫金石心偷向花間罵
春意誰遣歸妹華燭筵縹緲雲影送風鳶阿翁自詫好丈
夫云何偃蹇兒女緣東家西家託宦修南村北村鏡臺傳
豈無葛勃童子鴻搖頭將鬚不肯然天桃紅破春風樹標
梅惱殺錦繡年跼蹉跼蹉復蹉蹉零落胭脂腿睡眠阿母
絮語脣舌爛一味碁酒醉娘娟鄉鄰千手共相指有醜更
費買笑錢美人無復白茅夢自數生平血淚連少小願會

卷六十五

十

繡鴛鴦針線綠脚欺毫芒繡成鴛鴦駭神物一年只繡一
兩雙而今簡點篋笥中約略百隻浴銀塘鴛鴦回首問美
人何時著我拜姑嫜美人低頭臉稍頰緘恨行于河堤傍
怨氣鬱蒸雲雷怒風霧淒迷淚萬行蛟龍激烈噴薄起羣
鬼號咷雨浪浪沙水陡然濺射惡濤飛砂滾圻大荒幾度
甘為河伯婦只愁阿母魂魄傷寄語人家蚤嫁女尸祝乃
翁莫相忘

觀妓醉歌

君不見楓宸龍象驚霜戟熱血徒染玉盤螭又不見鉛槧
窮愁費丹漆傲骨堆堆髻離離何如但聽楚雲唱天涯兄

弟沈醉時中宵叫飲鬼神知紅搖燭影飛酒暈豔歌纖發
雲懶移男兒百年終草草開口大笑亦絕奇解盡千秋之
愁眉只恐明發匹馬去相思漲滿沙水湄

嚴霜行

嚴霜威毒殺羣木征夫履冰走僕僕一飯不飽十餘年丈
章翻以添敗血猶憶少小結髮初拍空傷氣長轟轟豈知
一跌復再跌人間從此無骨肉天涯憔悴鄉夢多鄉夢鄉
魂重重複回首墳墓荒烟中愛我朋輩在我腹愁疾參禪
心靈稿未到四十髻已禿蓬蒿蒼苔冷土堆是我手闢之
茅屋白日鼠鬪蠹魚爭是我手鈔之書牘偃曲折碼野人

卷六十五

十一

薪是我手種之花竹茫茫舊事如隔世全身不度惟雙目
萬感摧胸隱忍難欲語縮舌知者孰銜悶踟躕沙水涯流
波浩蕩驚相逐可憐沙水有涸時淋浪客淚天潢覆只恐
淚下沒盡世上人抵死吞聲未敢哭

留別沙水同社諸君子

伶仃薄游多病客十月無家衣未授召陵古寺解留人何
况滿眼同心友無奈鄉愁鄉夢惡北風凜冽催人走三載
河干意氣深情波時時到難狗架上雖蓄未讀書牀頭不
欠未醉酒盃浪松塵恣狂談一時為我齊回首人生聚散
俱前緣雲霞風雨誰能久言念朋友或相忘問之青天天

曰否解纜無語登孤舫煙水慘淡來相耦
今體詩

漫興

蕭蕭無一事養竹灌荒園野色聊同醉人情早杜門病骨
貧仍傲時名罵後尊為尋泉石侶攜鶴入煙村

留此亭東畔有竹一簌予時時對之

從教日日病見爾便開眸潤滴三湘雨寒森一院秋敲之
得好句洗罷失牢愁更欲裁成杖支余五岳游

寄杜君之

相看俱是客星聚河之干骨肉空存淚飄零不記年論心

卷六十五

七

堪笑兀問字破風煙莫太耽愁寂難為二月天

病中候王鳴宸

我自如摩詰君真似馬卿鶯花河上老笑語夢中生夜月
懷同看蘭舟憶醉撐牡丹初展翅那可負傾城

大風喜姚聚之見過

風壯藏千怪孤村晝掩關何人專意氣竟爾破寒暄酒薄
難成醉情深欲廢言責餘殘籍在細向燈前翻

客途苦雨

亭午忽昏黑半空送海潮馬衝泥入髻風蕩水平橋只訝
天將墮難撐雨勢驕旅魂直斷絕沽酒不堪招

赴楚初次洪橋

費盡高堂淚，纔離煙水村。歧多懶問路，表敞全無溫。塞外關山遠，撥愁簡表存。寒鴉驚別緒，作意叫黃昏。

鄉愁

排悶且蘭若，鞠華報晚秋。書頻難寄雁，病起怯登樓。疎雨溼鄉夢，荒城寄客愁。囊空真不惡，笑殺杜陵羞。

寄內

為我持門戶，相憐萬死身。世人俱闕陷，到汝更艱辛。華髮侵尋早，灰字畫頻塵。門期在眼負，戴種松筠。

尹育蒼先攜具，招同胡紹伊。王翼宸、王心谷諸丈。

卷六十五

十三

學放舟柳步有妓

此地風濤穩，畫艇載酒撐。波添新雨漲，曲截晚雲行。恍慨河山識，襟期指顧橫。游魂驚見月，飛挂半天明。

與林延啟泥飲

今夜忽然醉，燈前發浩歌。人生幾肝膈，那得不婆娑。主能破拘束，客亦愛烟蘿。還訂千秋後，拉天載酒過。

寄懷阮太沖

望眼天應報，猖狂近若何。詩元啼鬼物，窮澀臘煙蘿。深山燈畔雨，遠夢意中梭。大驄藏書後，軒轅未足多。

河上

碕岸碧嶙峋登臨多病身春還日已暮客在水之濱倚樹
休行步瞻雲念家人沙汀無限好鷗鳥十分親

望春懷茅城

無奈春光老出門仔細看乾坤空碧合草樹幾含烟客夢
臨流醒鄉心傍鳥還故園只百里疑隔萬層天

哭涓園師

生來投分少垂老失知音形影意中見詩聲夢裏聞著書
惜日短彈鋏恨時屯最是關情處高堂有老親

小陶夜送杜持衡東還

我滴征夫淚汝歌行路難但除為客外到處措身寬肝膈

卷六十五

十四

讐今夕風塵損玉顏餘尊那更酌兀對旅燈前

送王敷老還山東

秋深歸路好山色帶晴烟經月無人事看雲了道緣笑失
客中侶愁添別後眠幾時重把酒指顧岱宗巔

滕宰姬瑤林以難死

極天殺氣破孤城烈膽奮奔與電轟華嶽雖啣回首恨岱
宗已列萬年名張巡誓死不降賊季路重來更結纓懸解
貞魂猶為國仁看含怒埽機槍

胡涓園先生陳廣予文學過茶園分賦

借酒借茶借菊花過從好客快無涯繁愁卧病憐癯鶴幾

載懷人對莫鴉俄驚雙劍寒山岳共詫雄篇具鬼蛇滿眼
殘書堪破睡肯教別後嘆雲遲

寄懷洪元平

恠殺風煙刺眼新那堪客路賦懷人泥情金翦愁還澀幽
夢梨花憶未真輸心誰牧千秋血同病應憐萬死身有淚
投河君試問冷川碕岸水粼粼

絕人

習懶無營卧一圓才聞客到已驚魂畏人幾欲重髡髮愛
我何如莫打門白雪千秋誰販賣紅塵十丈自寒暄鶯花
縱使能催興且駕東風過別村

卷六十五

十五

送王仲雲之覃懷

馬首凌寒瘦不勝憐君客路苦登登千山仙跡屬王晉三
世通家歸李膺把臂西窗澆塊壘豁眸北望出峻嶒玉壺
空徹清於洗好貯黃河萬丈冰

晚春簡凌逸休

豔陽時候已差池柳絮欺人白綴眉院靜禽鳴調舌懶林
深花放度香遲幽懷每憶青山笑放步孤吟野水知望望
梅居襟抱好綠毫細寫送春詩

寄杜君之

水漲沙河激浪深榜舟未放過西村人間幾副真肝膈我

輩一生共夢魂，別後有懷悲。楚壁燈前起舞，悵夷門相看。
旅髻垂垂老，那可長愁無笑痕。

九日輓仲雲長者

文游閣盡得先生事，奈蘭心斷舊盟友。有五人悲劍草田
無二頃剩書滕幽尋霜葉憐宵伴，謬死青山老淚橫。瑟瑟
不堪搖落候高天，何處快逢迎。

與周姬

憐嬌念小疑天上，訝影追聲入夢深。避世愁吞千日酒，篝
燈難說半年心。我嘗縮印迷紅綬，汝定鬆鬟笑玉簪。好事
無端堪殞涕，蛾眉轉眼白頭吟。

卷六十五

十六

河上有懷

誰傍輕舟逐浪飛，孤雲憐客綴寒衣。髻從久旅飄零盡，書
為無錢典賣稀。撲逕黃花秋冉冉，連天野水夢依依。壯年
霸氣成蕭瑟，回首召陵吊落暉。

不賦鄉思

霜月砂津醉送行，花飛草輟漸聞鶯。寒暄幾換天涯準，藥
餌常供笑費錫。魂斷綠林兵燹劇，愁添白髮雨三莖。平生
賸有看山癖，翻怪春山故故青。

湖南寄內二首

烽火驚心老上頭，家書憑仗竟沈浮。桃花紅褪人千里，燕

子巢成月滿樓隔水隔山說不盡其新其舊總關愁河干容易休拋眼淚灑風煙似素秋

其二

倦鳥欲還滯楚天孤燈夜夜帶愁然難禁蓬髻逢春短轉
愛詩腸排悶便夢熟投牀尋舊路數時屈指已今年烽烟
無計託雙鯉歸興何須聽杜鵑

放步城隅

換眼移心一短筇雪迴灌莽路無從澄波細寫連苔堞飛
閣寂銜不語鐘間因傳想通今昔正好攤書報懶慵欲下
夕陽緣我住蒼天著意照衰容

卷六十五

七

晚登便佳園假山

密樹撐空葉葉銜藤蘿高護晚雲橫潤分積雨苔迷磴碧
漲前溪水驟颿作客十年羸短髻成家百計賸長鑱興會
無端凭石嘯一痕月色偏眉嵌

竹

吾軒自有竹暑月常寒聲山靜無風時滿林空翠生

望野二首

出門憐野色倚樹狎蘿藤晚雲如山嶂堪望不堪登

其二

明好隔湮水眼倦似欲來持此平生意報與夕陽猜

有茶園牡丹
但是情癡自解憐魂消月地與雲天無端開向愁人圓舞
盡春風不道妍

五日送鄭師三首
蒲酒年年醉玉壺只今洒泪入平蕪應憐梅雨闌山道千
里懷人鄭鷓鴣

其二
相逢愛我復知我客路千巖與萬巖別後闌干應不盡幻
將梅雨溼征帆

其三

卷六十五

六

千秋意氣落風嵐病愈分攜淚眼懸獨有愁心無著處懷
人日日到江南

閨情

十載深閨獨自憐蛾眉畫就負嬋娟梅花落盡尋常事不
為春歸恨杜鵑

月下竹鶴圖

風扣琅玕玉作聲飛來白鶴影雙清於今不向揚州去只
傍瀟湘看月明

宿趙士可謁廬

院僻雲深竹氣涼月痕破綠入苔牆為憐紙帳菊花枕一

夜游仙清夢長

送王觀我還許

我游許下三番醉肯放王生獨醒還想到黃金落意氣令人慟哭憶曹瞞

芥納上人經閣

小閣雲封地似偏搖空柳浪襲朝烟支郎洗研生磨墨奇字新詩俱是禪

寄洪萍莊

暗中樹影平生意水際香踪多病機相見瘦容無處著倚藤閒數暮雲歸

卷六十五

九

感懷

春還鶯燕亦嗟呀愁眼相將眩欲花病裏不堪說往事十年初度九天涯

春日懷凌逸休二首

翦草長隄翠暗通新來燕子試東風酒徒不到荒園裏孤負清尊半月明

其二

雲外蕭蕭自一家閒心煉性可烟霞春晴二月無風雨不是讀書便種花

登劉將軍御風臺

酒醉凌家騎馬來黃鸝萬樹一齊催
衝烟破雨歸何處欲上將軍百尺臺

春日懷王心谷 時心谷客汴

帝子風流輦路長舞塵春老散遺香
如何客但懷司馬更有何人念孝王

登首山絕頂

老樹當門挂紫藤四圍石壁冷於冰
山僧不識山前路高卧白雲最上層

瓶菊

不為風霜護曉寒因憐玉貌別離難
千塵萬弄嫌情薄夜

卷六十五

三

半移燈取影看

絕糧

茶竈如冰酒甕乾朔風揭雪迷雲天
阿誰似我春偏早不到清明已禁烟

元夕

燈開萬樹誰家樓綠波飛觴醉不休
一種遼陽今夜月可憐望斷戍兒愁

寺中邀人聽雨集句

樹裏南湖一片明何人不起故園情
可憐此地無車馬來

聽蕭蕭打葉聲

寄友

海上重逢魯仲連，高懷誰敢道金錢。
桃花漫倚東皇寵，爭似秋風八月天。

河上

平涉晚步淡忘歸，雨歇遠山翠不微。
愛看煙波空闊處，蒲帆輕轉帶雲飛。

西施嘆

玉貌亭亭絕代無，芳蘿貧賤拜泥塗。
一入吳宮人不見，翻從夢裏說姑蘇。

王明妃

啼多淚盡不成痕，萬里胡沙憶舊恩。
惱人雁影三秋後，猶得高飛入玉門。

楚思

白雲無盡楚天寒，鴻雁瀟瀟滿楓樹。
丹楊子月明愁裏渡，燕城雨色夢中看。

贈王佩蘭

莊老虛舟古道訛，迷陽卻曲接輿過。
莫歌行路難如此，拔劍王郎感慨多。

寄伯鵬

問道黃山十四年，年來幾度隔風煙。
中原有客梅花月，東

渡寒江落雁前

送張生還襄城三首

囊貯藤蘿袖裏雲相逢漫說五侯賓
壯遊雖好風烟潤只恐青山憶主人

其二

龍門草樹莽芊芊事往千秋尚可傳
憑君寄恨李元禮此日清流倍可憐

其三

尋幽曾醉映蒼亭獨卧懸崖待月醒
八九年來還落拓長貧不敢負山靈

卷六十五

三

同何勝癯社君之夜飲汴邸

風塵遲暮壯心悲萬事都輸酒一卮
他年我向青山去可憶篝燈學蟹時

村女

薄命誰堪影亦傷梅花又逐一春忙
明知老大無人問羞毀蛾眉學豔妝

徧登二室

三十六峯闢烟鬟一峯上一開顏
何年結屋當烟窟日日狂歌對碧山

憶亡友馬文徵

十年文酒散茅屋夢裏分明敲砌竹何處相知最斷腸遺書零落無人讀

慈渡

曉寒夜曠露如滋八月天高風氣悲敗簾殘書風露裏征人奉母渡河時

書友人傳後二首

遮莫撻金佩玉珂總輸雨笠與烟蓑只聞天馬愁羈勒誰見冥鴻受網羅

其二

不佩黃金印虎符新銜兩字買山癯老狂不了卧游癖細

卷六十五

三

譜青山看畫圖

寄張子

寸山寸水總愁予好夢無端故故虛知是相思難得說幾番雁過不裁書

戲贈周姬

酒罷歌停燭影昏主人送客獨留髻莫恨橫陳虛夜半月明曾替我消魂

送王仲雲

沁水泚泚永夜流沁園斷瓦寄荒邱當年遺刻相傳在好為臨摹慰遠愁

續中州名賢文表卷第六十六

宛平 邵松年 伯英

理寒石先生文集

詩序

王庚生詩序

睢陽庚生有詩二卷曰南遊曰傷亂西華理學和讀而悲之序曰非傳其人之世傳其人之情也情真即尼父無容刪違情之什雖工不真工彌甚去天彌遠然亦未有違情情真則詩道于焉一變如情本閒而詩空悠情本怡而詩悞懷情本玉帛鐘鼓而詩戈鋌血肉則違情甚矣卒亦不

續中州文表卷六十六

一

能不傳者何世為之也世變情情變詩君子起而權風雅之會矣余生平殊恨無情人更恨無情人強欲為詩戲場步伐詭貌湯武傀儡揖拱竊標堯舜天真謂何余即不能詩其為人也不敢不及情情之所鍾則有庚生之詩在庚生本一多情措大親戚朋友妻奴井里久享清甯無事之福忽焉分背乖離黑風吹墮數千里外忽儒而髡忽髡復儒顛倒沈淪面目無端之死之生人鬼兩繆凡此皆詩情也庚生詩于是乎可傳余十年湯火死兵死寇者數矣情豈異於庚生竟無一字可以鳴其不平者真哀無淚即求如庚生不可得惟有讀其詩一字一淚慟哭而已矣夫詩

道感人和平悅怡至淋漓沾襟毋乃非風雅正則此世變
情情變詩即庚生亦有不自知不自由者邈遠姑無論隆
萬世界如彼今日世界如此竟令措大篇什不得直達其
情反以違情見傳誰為為之于焉三嘆

李潛夫詩序

歲甲申理子旅白下既平稔讀同社李潛夫詩不覺淚淫
淫下重創于懷甚哉潛夫詩移我情也潛夫本應雄飛作
木天鸞坡客乃困遭諸生至今上正位舊南都始以需次
廷對厄矣余亦標梅筐篚墜剗羊無血然所悲匪是憶中原
初受兵時己卯文戰汲水余在張林宗席始與潛夫遇宛

卷六十六

二

然秀才僑盼也舉筆相抗笑視忘言秋杪殺羽分背不相
識者數年迨嵩洛朱殷後汁城暴骨夷門為沼中原文物
遂成一片邱墟癸未春予借辟地試笑城再與潛夫星聚
蘇門百泉間結社簡練一飯一鐙不離泉上先後得百日
間拾翠牽雲坐月洗竹當日林宗席上未盡之笑笑此未
盡之言言此聞林宗墓草已宿可勝死生人琴之恨秋七
月余上公車去潛夫亦還陽羨千里停雲每嘆把臂末由
今年遭三月十有九日之變天摧地裂慄動神人僞吏假
弁布滿北地余方萍漂二東攜家狼狽從虎口蛟涎中劣
得餘骸乞食白下乃漫與潛夫旅榻同弄潛夫詩已哀然

成帙屈指中原舊侶潛夫獨心肯秦京亦已無祿嗟乎滄
桑奇變顛倒至是鉛槧碩果影斷響沈潛夫即有警人詩
出奇句直是成風妙巧悲來投斤所謂臣質已忘矣夫處
笑城則念汲水魚鼈處白下則念笑城荆棘無甯茲燕薊
鼎湖徒攀龍鬚不第張秦諸詞人不可起如范質公倪鴻
室劉湛六諸老成皆安在乎大河以北齊魯秦晉燕趙廣
輪尺寸莫非王土皆安屬乎余何故含拚撇梁舊土而淮
而泗而濟而梁水又自梁水而濟而閘而大河而淮海維
揚而大江零落斷梗邱隴如夢家世具灰君父之仇徒結
字版之幅闕如自非石人誰禁迸泪尚何心與潛夫字參

卷六十六

三

白研細論文哉潛夫行且摩空去結納天下鬚眉為甘盤
傳說方叔召虎恢拓祖宗宏業余不敏尚當勉策含毫為
廣采芑江漢之章是則余可破涕為笑又非百泉之笑堪
相伯仲當爾時余必別有以序潛夫詩

刻一門節孝事序

西華理壘和曰語不流涕可不諱事不流涕可不為書不
流涕可不刻蓋不使人流涕必非其至也然必以流涕者
為至將寘彼快心者何地豈知一時流涕之事傳諸口碑
即千古流涕之言勒諸梨棗即千古快心之書也郭孝子
陳人也僕未嘗識面偶從周函一處得讀其節孝事略至

孝子冠佩拜母與母飢母寒處不禁泗汨橫集雙哀不乾情事一真感人遂爾聞孝子蒙溫旨後因母節未著與人道其事使流涕不休則孝子懷抱良苦矣夫子孝既可通帝座則母貞自應動楓宸在咫尺間耳惜未能立結此事以開孝子之顏因與函一急梨棗之以為人子勸使知委巷匹夫但存本來一點血懇不為風埃翳蝕遂令九重綰綸珍重褒予天地鬼神何曾半點負人人乃甘心草草耶僕恐此刻出而流涕者不數李生矣時入錢佐刻者為馬柱白馬母苦節五十餘年無人白之當事故柱白流涕先衆時天啟五年中秋也

卷六十六

四

記

雪廬記

余少時癖蠹蟬嗜積書惜措大窮赤十五年間劣得數千卷後以飢餓無賴與寡乏羔雁又轉移飄零強半歲乙亥移家南陀覩簡表失故心輒作惡安頓無地盡狼戾壯日間既之稔始結廬莊之帝直顙頊拮据藉虞計築基八日締構廿十餘日中間雨輟者兩日凍輟者兩日當日築基未就時流寇牆突焚殺於沲之左右攢刃遮騎並柴扉以過舉家避入沙陀宇虛無人問誰守望禦侮繫維二三雞犬足伏室無寓人則牛角不堪賓鼠故也廬成未及落圖

冠以字會信南同雲因欲擬雪聲錫恨輕薄烘爐一點心
眼欠豁遲嘉平朔五大雪屢日夜寒威鐫骨畫戶堅杜厥
明啟關則庭院皚皚山積望天白竟乃是一番世界諦視
屋梁樞柄妝綴勻匝疑如白玉鏤成若遣胡兒撒鹽空中
恐無此密圍周到余乃心怡眼放句當舊理比年驚餽未
盡殘每羈狼尾壯第者二分署位置略如古人四部具體
而微凡三日始具鬚眉架插度匱峙疊環圍若與深院積
雪交光互輝彼我澄映此際神理妙通高寒余病醒歌坐
無籌無營消受領略不知此外更有何事堪留襟抱何念
可當掃除孤邨冥寂六字虛嘿嗒然靜照獨與雪盟心元

卷六十六

五

悟臭味於于千秋耳爾乃浩歎吾一枝計不作無名氏遂
定額雪廬云緣此迴想愧生內外誰使我一片澹明性地
乍明乍黑暖刻千變廬則雪矣我何如耶誰使彼橈槍未
殄十年流血金粟號號几啗藥和天地昏黷斗沫鮮書曾
是不雪獨雪吾廬因識歲月並深頻仰崇禎丁丑十二月
十二日記

雪廬記

時變至雪始極霜霰雨露之變至雪始盈於春陽為親生
之父母於學問為入微之消息大約人生熱則盡日昏愴
閤閱鐘鼎輩近是寒則神理清醒貧賤艱虞輩近是惟至

人游處烈燄隨地清涼自非然者鮮不灰悶落夷為睡民
吾當與不若己者處與泛泛悠悠者共事及讀一切廣略
聞見流覽易竟之書非不暢心樂意無所逆苦逮夫良夜
支枕夢醒深思則心路冥迷如醉如釐惘恍汨汨鄉旅都
失起尋諸經與諱理書研之則頭目涼曉一切形魄中外
自頂腦胸背以至踵腓一毛一髮無不淨潔澄涵如巖大
賓如祇上帝覺身世人我渾入冰室語語冷水灌頂篇篇
慈母乳嬰感則墮淚喜則破笑聚千秋以長醒引生平使
無寐几研之間楯切之際蠹蟬草木無不各有神理端嚴
之象若深冬冱寒飛雪萬里鑄貯吾神室間世緣性命元

卷六十六

六

非兩諦水湮火燥總歸一際但情事不入無可奈何片刻
九乖之地縱使痛癢親切終非傷筋動骨古來生安神聖
舜寶頑嚚文尊明夷仲尼師陳蔡幸無忘此皆古聖人層
冰積雪游揚三尺淺哉最恨辜負雪咏惟瑤黃竹為甚空
遭異常坎窞畢竟動忍無聞則雪之罪人夫吾本生長雪
窟而繆思桃李春風本心靛墮行乞叢譟咎來流涕慟深
魂夢惟是薄暮鴉背還閃殘照自此與雪結盟總值集金
流石時節吾自點水地凍過活我知雪廬雪廬知我

遠蔡岡先生號圖記

人子事親生眷懷沒休念余讀孝經事親終矣處未嘗不

戚戚興感大愴胸臆夫終則余安敢也吾友遠子星拱裝潢其太翁雅號圖時展省依戀每伏臘既薦枕於祐又懸圖列饒愴慕留連有不任其情者間語予曰恨先人寫照浮沈于壬申洪濤巨浪中此幅如靈光巋然想見儀型余悲之且有數感焉蓋余猶及見太翁抗然八尺須眉浩素飄蕭有古劍客風排難解紛拔人於阨鄉曲武健輩任意狂逞不畏文憲惟慮為太翁所知囊無積錢戶屢恆滿待婚嫁舉火者不知幾何家長往已二十年鄉人追思至今及星拱之身又能荷析薪光大令緒飲水思源者羣憶太翁無旦晚之隔吾先君子燕翼與太翁無二星拱輒能踵

事增華余陸陸神摹心倣於先君者竟微毫毛肖似徒墮明發血淚況太翁與先君同年殞背此圖又出倣郡馬夢源手夢源先君翰墨友其游華時與先君促邴啣指點壁間名書余鏤心如昨乃遭時板蕩先君子手書教誡并依神社栗盡付雪燄言念今昔飲血無從又況對此圖觸此事仰仵高風其何能無父書手澤之悲則此端真非一二端可盡者太翁號蔡岡圖亦浸陽侯之波僅不沒蛟宮天或鑒星拱孝思不以生眷沒休無薄俗終竟之習特留此圖以當赤刀大訓後之覽者誰非人子試向崇巖斷嶺邊黯淡著眼再就紹庭上下處親切著想安知不泚然汗

下髣髴見當年活蔡岡先生於墨光微茫之間也

長城書屋記

何湛一兄弟家于城闕之傍築讀書室正與城垣相當坐室中從牕間簾際窺之百堞參差撐出半天不待登城即有睥睨中原壯氣予豪其遠志大書長城書屋四字顏之復寄語曰丈夫住世當為萬里長城無徒博五字長城也屋凡三間書翰外無長物弈枰酒籌之類盡絕里中不肯讀書少年併讀死書不修行者畏湛一兄弟不敢入真成為何湛一兄弟書屋也

碑

卷六十六

始祖初學田碑

吾觀黃河浩渺而思水源焉當其曲折秦晉齊魯之區而橫截中原也怒濤之叫囂晴波之澄泓出龍沒魚翻翻天地大觀非自天上吞吐於星宿崙崑間則黃河終是天上物始吾祖初起國初為高皇帝草莽臣厥宅茆岡聞之父老曰茆岡當天

觀黃河之岡數茆漁人多

晒網其上故極東曰灘岡與灘以黃河得名總之皆吾祖

手聞也祖諱永新迄今三百年遺踪斷蹟無徵據其

初其規模宏遠哉爾時即朝廷庠序學校想草草未

必如今日迺吾祖實初學田在城東南角直接隍隄蓋

五疇奇六分壺和曰

規模果宏且遠也乾坤

殺氣初清藜藿荆榛才經斬伐斧斤未洒削手腕之極未
歇誰弦誰誦誰詩書日不暇給吾意蚤莫饕餮外寢耳酒
耳歌耳投耳

於定感宸鴻鳴數數耳學田乎

世有緣一錢風波骨肉者比比未聞烈壽吏親來許也斯
即萬不可擬吾祖彼獨非人情與故至今青箱素編

無然登天子堂揚祖烈者然五尺之童亦

操筆研半百之老尚貪蠹螾貪菜仲尼之門者一時七人
五人其餘隴頭樹底皆乾淨布衣振振繩繩

已往

吾祖培養鍛鑄於勦業垂統之年則今日子孫竟不知淪

卷六十六

九

落何似已夫未起之雲初祖宗預計於數百年前而已承
之堂構子孫坐忘于日復一日之下抑亦邈源者所扼腕
流涕動心者屬筆亭祖行學田之畔慨焉太息曰水有源
吾忍湮吾源乎於是以學田力購石命壺和顛末其事使
後來子子孫孫知吾家書香開闢之遠就將無替而沐浴
先德者春秋有香火情又以見連茆岡東灘居者始則共
一祖宗血脈榮衛千載長調庶幾黃河若帶不至令吾祖
怨恫冥漠爾凡與是舉者例書名石末名之次也如其世

明胡公去思碑

運會與人物恆環相古今然氣運臣妾分多而人維君乃

總總江河是憂何居秦前無私令秦後無康侯則翳肆古今奇矣若魯恭卓茂朱邑皆何人西華則戴封今為烈且人善自菲其德心元氣學問才具實亦不勝令勝者勝者即聲實身世穴肝腎潛易肺腑不時覺故我去千里遠況今廟堂上荷外吏毛吹之救過無日處今世為無過令更以善著朝廷咸藉其賢胡公云公家崢嶸雅不安三代下人物懋志較然貞不字感今上神聖峻峙謂古名公卿相何渠外銅墨長孝宗朝劉公大夏曾不以木天埒民社筮仕得華時局正艱國家課吏舊章日月懸今則急泉布急語或急辦賊急軍興革野虎耽投隙竊嘯則急殲牙創痍

焚戮几赤子几子遺又使供紛綸無藝則急撫字舊章亦復督趨不少假余謂列宿只尺地縱老吏舌吐首搖公青髻入暗室並照十日取時所急者優優游刃應上官讓才下民視福諸如條議河夫則直指使者永著為令如擒巨寇李鳴則靖中外意外叵測省朝廷無限蒿目如聞流寇警則義倡率露宿城頭數日月不言勸如遣征繕補舊逋理隍陴與畚栽刻木隸緩刑樸鄉井不見公人追呼影響桑麻清燕雞犬盡間民與令渾相忘手聲色俱泯中先是組練剿寇過華數露刃畫剗民城中鼎沸公至則卻郊關外供億辦咄咄若輩皆壓心斂手去民不知兵其他焦心

彈慮政刪害馬禮存餼羊無一不為士民造命公學問才
具雖勝令苟非冰心霜嚴一切聲實身家悉付抹掇獨皎
皎自慙屋漏其德化元氣負軼一時亦何能卓異循良合
為一人中牟密桐不問彼積柴焚身天雨時注者豈敢以
獨行驕公秦後無此令直當物色錫番書接聞公治遂無
江河憂是以九閔月歌來後望誰嗣遍四境父老子弟人
意社稷公無何公宅外艱則又遍四境父老子弟雪涕如
喪私親夫華風孱罷公初蘇之中路嬰兒忽失慈親咿嚶
展側舉不勝情今令專一城似祝融元冥降神百里民惟
恐不轉瞬去之走公何以使民流連至是會時方煽動關

卷六十六

上

山梗澀公柅車未即發則旅店也士紳生芟炙絮連如繹
不絕民間扶服哭者塞公門矧新故之際人面難堪乃輿
臺胥卒無一人為翟客今吏隸皆鬼蜮白日行無甯茲猿
鶴蟲沙姬滿時已幻化不常何況此流然則翟公負客哉
公自古人並公所致皆不為今人未聞戴封令華時有此
況士紳乘公一日留為刻碑以踵畏壘是則上下兩得予
于公見古吏于碑見古民雖廟堂皆寬政無苛急督趨事
世有公則古今江河之感俱贄公所遺上下皆古也公有
一个臣風又脂車在眼兼秦產余請公無急行為之讀東
門之勢請公無忘華為之誦白露之詩

重修清涼寺碑

華西偏五十里曰小陶並陶曲而東南行曰沙水水背陶左碧瓦鱗翼雙柏亭亭曰清涼寺創何年曰正統時德琦新之者凡幾曰貞曉曰道隆圓果新茲者誰曰盧住曰李秉還盧李何如人曰盧窮治李八十餘稱長者始何時曰天啟丙寅之春終何時曰今歲之暮所新殿幾宇為楹幾曰六宇楹凡四十有奇共事幾人經費幾何曰劇哉具石陰方其新之也予蓋讀書於寺之文室斲木鍛鍊聲相賡人相勸丁丁肅肅也盧董事為寢處伽藍中飲啖外一刀一布悉入之李手指口畫歷朝薄暮如自理其室冷風苦

雨勿恤勿違予嘆曰勞歟懇也使朝廷得斯老何至憂及漆室哉盧李囑友人語余曰事成請以勞記石予笑受之今果成斬新香界矣慚予多病放廢手腕靈氣落落耗盡未能一一洗發是舉爾且此事亦無容洗發也佛菩薩像出於金泥木出于山鑿出于冶甍瓦出于陶資財出于割舍沙水小陶儼然具在使我佞佛佛不受諛人人不安即我亦不受不安此事亦何容洗發耶予因是動大願已願大衆舍情慾如財事君親如佛辨天下國家事如佛宇先事不投艱於人後事不居美於己則清涼之新是住世者一重公案也雖然此大雄氏毛膚耳若夫日炙風吹冰消

瓦解一著非世所能新亦非世所能故予即欲贅發一語
終是蚊蚋鏤牛

書

上馬相公士英書

頃聞老師相有郊坰之遊管領春風誠可嗣響舞雩雅步
但今日屬烈皇帝忌辰老師相纔一出門通國觀瞻伏祈
小緩一日以全精金美玉之品某仰受知遇無可為報惟
有不欺寸心以事函席而已不識忌諱可任悚惻祝望之
至

訖胡先達監軍牘

卷六十六

十三

今天步竟至此乎然何能不至此也頂天立地之英雄龍
象虎豹之擔當呼噏應變艱危百折之鏖鎗使之纍纍南
冠扼腕相向何能不至此也然皇天老眼雖閉想鑒我二
祖十宗之功德赤子白髮之熬煎當必有揚眉露睛時枯
霜冷雪後一番好春光蓋小遄大來斷斷必必亦亘古亘
今所不縷絕泰爽者方先達自天津入都門也不肖和傭
書窮鄉聞訊驚惋謂此舉關係皇輿大為朝廷腐心然憤
無可發輒為一詩憶有干城忍入明夷網草野誰排虎豹
關白即勒書布意比鱗鴻電警書滯寒窗塵械寸餘無寄
處久之投祝融中客歲春暮葵一此省際先君子病革不

肖復欲上達積懇奈方寸已亂搗管伸紙心忤悸動又不
果再閱月竟羅大難作孤子椿萎堂空淚眼哀腸直將一
片起居念頭化作冰霰我自負我兩三年於茲矣恨恨今
如此乾坤衣裳塞滿求先達樣了不可得東門纍卵娶卷
土重來此日撐持世界埽潞沙磧非南冠諸君子而誰斯
固可旦暮啣命也不肖埋頭殘編不能直走千里血濺
彤庭力發英雄象覆盆坐為魯國男子嗤笑然則書生
齷齪幾于匪人矣雖然霜雪後春光旦暮啣命可奏明不
終夷張弼後脫不肖為朝廷腐心者轉為朝廷破顏若區
區之桑梓寒溫情其不敢以溷閭者久矣年時得經略書
疏每讀必叫絕叫絕不已而悲憤悲憤不已而汨縱橫書
生齷齪終不敢以墨通怡怡悵悵矯首北望心魂已飛入
燕薊悵悵階墀也不次

上梁老先生

卷六十六

七

睽光霽者四易表葛中間天人反覆之狀矣但白衣蒼狗
乃先生道貌腴敷青髻綠瞳天篤碩果以成昭代申甫大
業而虛懷遠韻牢籠千秋江左伊吾拜下風矣生侍食之
餘竊為社稷山河賀無恙且也捐惠下盼使老稚無顧領
之色仁人宏造盡日咏既醉者數日不倦惟是眷屬二十
餘口鷄枝稍陋有勃谿之苦况此後菜蕪釜魚將所不免

度先生必為作低眉菩薩側聞吾鄉兩氏同落再造將避地江浙其副室分賦惟族人甚衆生與仰面無肝膈者之前徒喪氣骨何似一傾吐于先生左右士伸知己言者既易聽者不厭先生古處人也必不罵此兒豁壑一至此也乞移一函噓植于 氏不第行野無蔽芾之樗兼以黃鳥邱隅不至歎飲食于後車者先生玉就小子山高水長矣否則舉家二十餘口俱續首陽之蹟揆諸不染偽塵之心亦可無怨終不若先生與我更商量也外有別緒謹托諸紀綱

答蔡楨宇

卷六十六

十五

正在窮愁忍飢時忽讀大作不覺眉鎖放開相去幾萬丈也中原光景近日何似言之便簌簌墮淚

上季老書

達先生幾何日乃天翻地覆遂至此極幸先生簡在帝心作救時宰相為山河吐氣為祖宗與大行皇帝報仇雪恥為中原燃再燼之寒灰起已豁之白骨生不賀先生宅揆納麓正賀大麓席上得此至人耳聊城篝燈時先生入山之興惟恐不深生卜度天人妄誰淮蔡之屬非天津橋上客不得今何如乎先生應記前言如昨也正不必抱烟霞之想矣先生去聊城二十日生孤舟冒險鼓棹而下過賊

遇兵受盡魔障方得至都不死正以待先生之今日側聞先生屢經巨蒲之變惟是道體無恙神呵鬼護天之所以成就先生者蓋專以借重于今日何其快快生端午日僦居蔣辰榮命下旦晚手額以望季子之來此非余小子之願也天下人之願也先生當為先帝起為天下蒼生起不然中原之復真不可謀之吾身吾亦終身為江左流民矣可痛可痛鴻鵠使冗迂將為舉世父老子弟通此一線消息不敢以私瀆

奉胡大參書

旭日瞳矓忽駕扶桑幾年陰霾妖氛一旦洒滌雖造化欲

開太平哉亦諸長者先生抑滯豐蔀積有歲年冥挽默移精神所通感動元黃然後天心厭亂以天大將軍杵摧此摩軍耳不然悠悠氣運知其作何究竟耶從九月間病榻中讀浮囊大刻不翅寶筏引人飛渡彼岸何慈悲至此哉祇以藥裏關心問訊疎闊空負耿耿屬令上當陽千載一時長者行荷殊恩患勞雪白鄉邦共快唯是無以痛定思痛因噎罷箸遂雲霧利濟熱腸聖主賜予聞身皈來便作卧佛否則東西南北隨宜利導仍是一尊行佛等佛耳莫愛卧而倦行是則真佛也唯先生愈益勉之高邱二公祖推愛屋烏覺草野間炊有靈氣幾回染翰箋又念書生無

通祖父母之體輒每中止然感知私衷難可閑鬱滿期共
變聖朝流光汗青作千秋偉人是則草野旦晚之祝頌也
報張憲使書

景仰山斗夢寐儀圖况屬部下沐浴明德自分作宗師天
淵中之鳶魚匪朝伊夕矣何意物色筐篚飛墜五雲聖世
千旌空谷流韻但生變值北堂馬鬣甫就衰經負笈有愧
幼學儻託高厚三年無減性之嫌計宗師爾時咫尺揆席
雖龍門高峻雲樹越絕願從嗣君處埽門以報如遇當不
負此耿耿也嵩洛有靈實監茲盟

報學師書

卷六十六

七

讀書論世私涉海內人豪於東國張宗師心儀山斗夢寐
習矣既枉物色兼寵筐篚自宜受模就範以償夙願但慈
幃背棄而後人理乖違改衰麻以襲子衿割袪匱而就解
署顧影撫心殊深切但恐張大宗師亦無取此薄誼之士
為也儻鴻蔭三年無減性之譏計張大宗師咫尺揆席未
便登龍當從其嗣君處通一消息上下千秋必將有日也
乞師台委曲達此情事感知佩遇盟之嵩河臨楮聳惶崇
禎五年三月二十五日

辭張嶠山宗師牘

薨和跡埋草茅羣同鹿豕本無學術豈敢夤緣項因宗師

誤採虛聲橫被物色再塵筐篚點染薜蘿遂以麻鞋上謁
寵之殊禮接以國士披豁胸臆推赤相置無猜無嫌忘形
忘迹雖古人不能邀於鷹行者宗師創起行之自非木石
誰不滌血盟心且熱腸虛懷慙慙然如家人父子在宗師
寬如天海汰盡鐘鼎習氣乃壘和飛躍天淵之中亦頓忘
此身微賤浹辰之間覺千秋不遠也但地寒基淺過承異
款歸塗顛踣嘔血升餘新疴舊病左右夾擊較侍函席時
癰瘡毀瘁十分支離削然另一理生矣夫走名者俗人之
腸酬知者國士之心無論祖父母縛束部民千百減門知
縣即淺言之以子衿公庸得為先達藩叅執鞭不謂非世

卷六十六

十八

外陸離壘和七尺丈夫身豈其有胸無心者况半世沈廢
鄉曲見嘲不飛不鳴親如轆轤污蟻垢屬幾欲甘心一旦
邀有天幸驟附青雲縱無國士酬知深恩而蜚英賣重之
念當不後於俗人但如此二豎侵侮何俯仰思維千乖萬
繆不獲已將先後兩幣專人完趙不意宗師見訝以為自
外生成既傷前此知人之鑒又冷後來愛物之慈得無以
壘和一人背負恩光故遂疑人間書生盡是薄劣難可噓
植之怪物乎勉登素履一兩用體行願之訓誓畢此生一
日存視息則一日佩明德無既若溫寶之樹則萬萬無敵
言儻藥物有靈犬馬可竭自當圖報異日劣疾未易覩緣

臨箋北望無邊悵塞如何如何

奉蓬元轉謝東平王書

東平豪達卓犖汪洋無際愛客虛左不數信陵生仰止高山十三稔於今矣辱承榮命欲寵以監紀偉任蓋為老師屋上之烏故易添顏色耳此正弟子捧檄心喜時况得與樵明舊好聯轡談道橫槩賦詩更足抒年來幽結真足情慰生平矣惟是老母年逾七十多慈善病久客思鄉懸念諸甥動輒號泣况自新家口問河兩度遇土賊弟子躬率妻孥冒死格鬪老母抱幼孫中賊磚石額破骨出流血數升暈倒舟中芳得不隕弟子修行無力禍逮根本迄今五

卷六十六

九

閱月尚未脫藥裹每行數步即犯暈症搖曳風燭非尋常桑榆崦嵫所可比擬即欲勉效犬馬一掃東平門奈此呻吟叫苦曉暮不歇慊慊七十餘年老人何側聞東平孝出至性雖擁佩懸魚爵在通澈太夫人猶孺子教之東平則惓然承受有伯俞之色此古今來空谷絕響錫類之永簋越恆執當必俯鑒下情非出迂矯不然捨顯赫之功名甘飢寒以行乞世無此不識好惡之庸夫也弟子憂患老矣筆花雖槁劍氣猶存叩轅門而謝知己尚笑淮南山川為低淺也伏望老師台道此區區千難萬難之懷庶幾不開罪當代賢豪為異日酬報道德地臨箋北望無限默塞

薦睢州王生書

睢州儒學諸生王生筆爛五華胸懷三略居恆衆以為祥麟威鳳禦難獨操其白璧寒氷當僕寇之犯睢也憂切剝牀驚產首倡輸三百金為守城費且生家非殷陳直是大義感激其以公正發憤如此比城陷被執寇衆驚其形貌奇岸欲擁戴之生不可脇以刃又不可及絕髮斷髻終不可賊義之舍去後見偽吏入境惟恐濁氣污蟣毅然捐棄妻子避地江南如此品者豪爽濟以堅忍使骨兼帶清修今欲磨礪匡時而權不在手一片血心空自與古為儔豈可令其放廢煙泉流連魚鳥若使贊畫軍前真可以收禁中頗牧之用更可使蒿目時艱者省之才之難也

卷六十六

三十

答萬秀才書

天涯厯亂中接手書讀新詩得未曾有見說甥陽通八比甚悅但無去舅氏路拙于達年耳其令弟應能孩笑物情小可愛人意老多慈弄孫之暇頗解此語想吾弟同之也南土北客兩不相道但其殘碑廢書不禁人摻訪名山大川愛狂客登眺亦窮途坎珂飽嘗後應有此番答報善長已廷試訖坐定吾弟下首莫更誤也若明秋鹿鳴則此語枝指矣卧病口占恨不盡言

代季千里與某公啟

伏以龍奮躩踞五雲騰河山巍煥鳳吹節足紫氣映日月
昭回興朝端在个臣羣瞻北斗大業誰其匹耦獨駕南車
望光塵而曳心溯顏行以歸命恭惟台臺靜悟參天心
破象驅禮樂兵農於壇坫囊括千秋羅義皇虞夏於琴尊
神包邃古續春秋而作史袞鉞嚴一字褒彈渲煙液以蘸
毫丹漆壯萬年氣息來六月垂天雲翼翩翩佐此中興
浴日嘉猷嶽嶽為之兆也聊借鶴禁清班學焉臣之行占
螭頭黃閣僕陸莊慚報每懷泥塑春風范鉢空傳未罄玉
環華雀碩果得與會看一人定國帝賚良弼預卜三壽作
朋宗社流光肇帶生韻

卷六十六

三

與吳元珠

病夫愁卧小陶禪寺客有道門下材品者病遂霍然自是
意中時時實一吳元珠每嬰愁病輒思客語門下竟作僕
輞川圖子已厥後聞門下不肯凡愚我風月元度正爾不
淺今年讀書便佳園子門下有新令尹之誼尋遺踪覓勝
跡覺園中片石箇竹草砌花關處處皆有一吳元珠在焉
是何門下化身之普耶堅奇之說在屋壁看花之句在佛
圖昂首高唱神魄森森兀兀似繚繞天中朋簪間門下固
千載有心人不知亦曾驚關門紫氣否鴻便先此為異時
把臂券門下偶以為點吾耳也則汝水枕城闌不遠也一

笑

杜持衡文學

接手教磊落激昂愛我教我氣誼肝腸干雲匝上回環再
四佩作豹子韋絃河山破碎身家流離執事恥染偽塵與
萬秀才遁荒埋名白雲方潔弱水讓清不愧仲尼門牆矣
僕不填溝壑尚當拾沅澧之蘭芷鏤金玉于貞珉使有心
人知舉國若狂之日猶有披髮采薇如兩足下者吾黨賴
眉炤灼日星矣此後事都不可知吾輩攜手同行終當向
北風雨雪中作一家骨肉耳

寄浣村諸親友

卷六十六

三

九年聚首荷蒙意氣有無周恤宛同婚媾大小老少竟無
一人以片語相忤使我不知有離鄉背井之苦諸君可謂
賢矣眷屬登舟厚辱鼎臠何時南還再講桑麻舊話想諸
君對花看柳時應念理生不置也眷屬離社內子猶憶採
藍拾翠諸女伴不休也

遠星拱文學

弟之愚見官下勞擾萬不如林下清貴且吏道多端難名
言鄉貢兩等人便是甲榜眼中丁肉中刺嫡妻中膝妾其
賤惡而僻傲情而僻一種腔調模樣有什伯千萬于惡打
劣罵者不翦吐棄不休自非妝聾推瘥感德如婁公模稜

頑頓如馮道必不能一日安其位弟為七十餘歲老母親顏一出看來一年半自可挂冠中原邱隴關心尚得風大恬寂返棹有期與親翁秉耒綠疇作沙水茅城間一對長沮桀溺豈不勝折腰貴人前浮沈車塵馬足間耶弟以強強暗昧之性作吏不但不達又看不上戴紗帽一段驕態他既嫌我又嫌他所謂君平厭世世厭君平此種怪物不惹禍招災無稅駕地弟指日出門已是棄此七尺入岸扉譖室中矣思及此那得不寒心也禹烈已升尚寶旋都時將尊事澈底商量一番

家仲

卷六十六

三

客路艱辛千萬家居古今所共曉者况攜家遠游更為難事攜家至二十餘口則倍難姪空囊出門流落天涯素性硜硜恥干貴人且薄俗人面即令喪盡廉恥誰肯把贈一錢不如仍舊閉門忍飢留卻鬚眉之為得也姪擬四月間回河南展省墳墓今秦晉俱陷消息甚凶山東一塊土度不能不搖動姪東西南北茫無定向倘餓糧可裹晚旦南山之南北山之北矣語云負重涉遠不擇地而休姪正值此局面萬一謁選得闕尚冀叔父教我五兩近能讀書不似曩者顛愚惟此一事差強人意

續中州名賢文表卷第六十七

宛平 邵松年 伯英

理寒石先生 文集

書

報錢相公

恭惟老親家台臺厯朝元老當代達尊標三百年揆席山
斗手握坤軸傳千萬世微言衣鉢學見天心當其垂紳正
笏在朝中外豺狼斂迹迨其尋山問水于野古今風月全
收嶙峋天半峨眉四海想姬公之再相著述價分麟筆六
經扶仲尼以中興居然人表元圭豈但山中宰相僕兵火
餘生崦嵫晚照飲恨射遠天西賊授首何年建牙在近郡
東吳壯心未燼龍門密邇擬託雙鯉于春波寶札聯翩恍
通遙情于渭樹高懷在美人錦繡而外奚但百朋佩結鏤
神室肝葉之中感深五夜謹完趙璧爰託吳鴻

報錢相公

一奉德教雲霧頓披笑語咳吐無非丹砂真若引身星辰
之上而領鈞天廣樂也何快如之前月接華翰直是半天
清嘯飛來就中為弟謀者針針見血弟雖不吃猪肉見猪
走雖未為吏蓋數見吏走矣猥脚草豚其為猪不同然終
不能免廣桑兒手則一也且弟褊心傲骨涉世達迂具于

宦海一擲百碎緣家慈年逾七十鴉背殘陽逐子流離弟
即不才何以為心或者仗老親家靈爽得兩年不挂彈墨
為家慈邀一命之榮老杜所謂何日沾微祿歸山買薄田
弟率兒孫妻妾抱甕秉耒以代負米生平願力于是足矣
半年以來食老親家高誼俾不顛實溝壑飲水思泉啣感
何極仲冬望後弟除謁選無別法矣欣逢老親翁榮膺內
台謝道路之風塵奉日月于輦轂吾道大行為之兆也吏
道即多險阻誰為欺負王尚寶之令親家哉行人電發篝
燈不宣惟望旌旆早旋弟鼻孔未受繩穿尚得細翦巴山
燭花耳草草可勝願企之至

卷六十七

二

杜君之郡丞

時竊至此滿目傷心仲尼之遇陽虎將無遊戲神通弟蓬
髻流離窮餓是我面目但老母七十有一渾身酸痛叫號
晝夜不絕又三晉陷沒二東蠢動弟眷屬二百餘指囊無
一錢也笑啼俱難河南已為賊所外彼之外我之內也泌
之洋洋可以樂飢倘得與杜翁臨流發嘯覺清淺沙水亂
離中自有無邊受用老伯健啖社嫂操作稚子嘻嘻數名
辨物天倫樂事綠林雖豪恐刳取無下手處也努力自期
皓首為期

蔡植宇

老哥老嫂尚康健無恙弟流落東國邱隴盡在荊棘中念此萬箭攢心我老兄老弟還得優游無事坐張班店後桃花深處一觴一詠否舊事如夢天涯冷寂和誰把臂而憶先君也悵結吞聲語不敢長

熊沃心徐有悅文學

客寄東園荷承寵顧自後亂局日甚弟于三月渡河寒眷以六月南下至鳳泗又折而北墮水拖泥疑人疑鬼七月將盡始獲甯宇不意晉省陷沒二東度且不測弟攜提老幼行不知浮墮何羅刹鬼國也社翁近况奚似但得無災無難即受些艱窘亦古來兵火離亂常事只是吾輩以身

當之殊覺難堪仔細思量我不以身當在我前者則祖父受苦在我後者則兒孫受苦我輩以身撓禍則上免祖父下蔭子孫竟是一椿便宜勾當自宜喜歡豈可怨嘆宿若小店桃花正爾翦錦堆霞如何得騎驢一放歌其間詹望雲周澤世兩秀才煩為致聲道老僕流離酸楚中猶憶月白風定撞鐘課業時惆悵南雲遠莫致之何勝癯先生何學海社長家屬皆作何等景氣令凡令姪統此起居戴馨猶得企腳彈琵琶似往歲乎佳園垂絲海棠玉蘭辛夷諸君子尚得管領春風否如弟者所謂年年不帶看花眼不是愁中是病中言念及此那不頭白眼花投筆頓足大

覺禪院一段曉夜絃誦光景知罡風吹散何天社翁心間
無事當雙雙攜手小弟坐卧處古井綠槐間一凭弔之看
爾時懷抱堪不堪耶

杜君之社丈

兵戈滿目著脚即乖舊日桃花園化為榛莽江南快樂日
久民風士氣不見有畏禍思患之學俯仰天人不得安穩
無事大約淫靡繁華之地必化為血肉瓦礫之區此理道
萬一不爽者弟愈趨愈下稅駕無所只因有母尸饗兒孫
路泣遂臉臉低頭就之世豈有理寒石叅軍而不橫罹機
網者乎明知蒜辣特地欲吞真令人奈何不得老親翁靈

卷六十七

四

椿凋陰蘭玉半稿孝慈櫻懷何計支吾要惟理數善自遣
慰而已弟客路羞澀朝夕作侯人卒章以自寬解所以生
芻一束至今闕略者此故也禹烈歲內還都見教事當贊
成無難但四方俱動戚戚靡騁所謂人生失意無南北耳
吳儁子頃至都相晤弟問故園光景答曰勝此間多多許
遂欲不補官而歸弟強留勉慰始投供銓部人生安危思
過半矣卧病口占不多布外人說弟是一官乃飢寒蒼涼
借彼貸此仍是一乞丐紗帽無窮漢此語勸自誰口當重
責五十板架號三個月為誑言欺人者警相思在柳陰陰
處花深深處親翁試向石頭城問之

寄王禹烈

弟不宜作官又不宜作監紀又不宜作冲頤監紀三者交并如素絲三染青黃渾不自由真不如空山忍飢之為清淨豪達仍得閒身上下千載此何為哉此何為哉

上陳公祖

君臣大義昧塞於人心久矣致先帝罹此奇慘真天人所共慟者恭逢大宗師揭明順逆于中天令人人知有君父此拔本塞源千古學術經綸大根底于是乎在乃者榮膺特簡持斧中原既以拜濤甘澍活我赤子復以推心殊恩肉我枯骼借令北都當事諸老分大宗師萬分之一何至

卷六十七

五

有非常大變頃晉謁時繆逢破格異數此古人所難者其慷慨擔當具見大臣丰采私心殊為聖天子得人賀至於一介小儒何闕有無乃亦垂青虛枯許以移咨該部天地之大至今遂無可憾倘得邀借培植討一地方俾七十歲皤皤白髮慈人明歲得沾覃恩之榮則大宗師錫類之仁直與白門江山共為高深生啣環有心豈敢出華陰崔下臨稟可任惶恐祝望之至

寄王存初

厚貺逢頤泰谷回春彼歌行野蔽芾者何人哉雲天高誼過古人遠矣但未知促邴領教當在何日風便附謝不既

瞻依

寄何水心

隆典無兼登之理然以聲氣道誼之雅濟顛沛瑣尾之艱
遂不敢避傷惠常規夢想芝宇當懸懸與長江共渺耳肅
此附謝不次

寄徐毓卿

昨擬淥滌塵襟詣瓊筵坐花兼領炙轂雄談不意為二三
鄉親牽率他往良會難邁當前坐失悵快殊甚非敢自外
有道也端此負荆伏冀原照千秋相看不以形迹督弟

跋

卷六十七

六

王仲雲墓志跋

余所聞見當代賢豪長者無踰吾里仲雲先生先生始與
余大父交中交先嚴晚交不肖瑩和忘年忘分忘學骨肉
金石未足形似風雨雞鳴元有感通鄉曲盡知之亦不盡
知之也花月佳時或先生過我或我過先生載酒篝燈不
覺遂歷晨夕此余遊學四方與先生有經時之隔欲將近
日疑義辟咤諮次而先生已棄賓客不及永訣為余生平
一恨適用拙昆弟屬有丹石之役知己之痛余不自解其
感涕何從先生高致隱行更僕難盡以自為誌銘故無所
數亦足見先生之澹于獵名矣有友五人前後俱歌薤露

通壘和以貞疾不死得睹先生斧房之成但老成凋謝虎
賁渺漠發言莫賞抱恨人琴自此雞鳴風雨與花月佳時
吾將與何人暢叙幽懷是則為恨又不但永訣之闕已者
墓誌銘

顯妣慈適胡氏誌銘略

嗟吾慈孀竟已矣天乎天乎既而月葬具草備行祔吾先
子之兆欲一志之而剝肝瀝血茫無一字礱石就陳庭中
數經日數覩數眎宵結旦撰卒茫無一字將乞言於朋知
則文言是懼幾留石人間從容異日如呂叔簡先生訓而
石庸不稱吾志意無已從昏荒中略言之用識歲月且以

卷六上

七

從涕夫吾鄉十年不知何以志先嚴鄉五月前不知何以
序乞言今遂淺思鉤深研濤枯涸豈吾非昔吾耶嗚呼此
際殆難略曰嫡母胡陳郡清河胡似舟先生介女年十七
配先子於茅城寡言笑不愛低昂人蓋能事吾大母洎曾
大母云兩出皆女伯吾姊四吾妹先子少孤昧於生事家
中落然未全貧割茅之舊土購業清河然不習生事故性
也漸貧又割清河業貧且全移居華城又移陳移蔡又移
舞陽母常獨處間隨行上蔡甘心糟糠塵土中無怨言蚤
置副貳令乾坤有不肖壘和者母志也脫簪珥佐皇駸末
矣和同母姊兩人妹一人合壘和四人母未嘗彈以指攝

以目亦未嘗姝媛小德以餅餌貌言買子女心辟化工形物不耀德不鑪成一任魚鳥草木自生自長若曾無少與焉此於閨闈嫡庶間方古誰者可似之中間食母高厚或二十八九年如吾五妹或三十八九年如吾三姊或四十一二年如吾仲姊其不可以歲年計與不知幾何年如吾壺和當其生也母無德意子女無德言懿親骨肉皆不知母為聖人知其概者於故舊為凌逸休為曾心曾於通家為洪元平餘無人也迨至今日母有餘于德意子女仍窮于德言吾哭之吾仲姊哭之吾三妹哭之吾五妹哭之較吾伯姊吾四妹殊甚吾內人關友之則又殊甚是必有深

卷六十七

八

感焉者誰其知之即子女亦未能自喻之也吾家人賦性無一不急隘中外親故腹不望者飛語影事往往張弧載鬼嘗試吾骨肉之生之死淪墜苦趣廿年整矣無闕日獨母寬和澹漠反昕夕有笑容子遇之孝婦遇之順反脣輩遇之極極母生平似不見一可惡之人者故吾一家之所食咸母德也即雞犬歌舞之而今已矣已矣少于先子者一年壽于先子者八年矣而後先子者十年崇禎辛未秋九月七日蓋七十之辰也壺和為乞言序欲以請諸阮太沖洪元平阮居大駝山赤書卒不得達洪子報可文未裁入是冬嘉平望之明日立今年壬申春又四日和攜家舟

行于役召陵榜次沙水龍勝溝之東為廿二日遂大漸前此兩年母嘗困河魚矣但髮才白十之二三齒車無少動元即衰羸當不慮此顧萬愛少女依依不可離壘和游學于外不肯逐子征昨各兩目俱廢適時時促壘和就舟欲偕出直雲雪滄滯不得即出輒祝天祈晴吾從吾子召陵間猶健食啖入舟之夜雙目忽腫腫強半還舊觀家人驚喜結試之遂能辨燈上光敬吾就眎則眸子宛然微帶雲翳似飛帛拂之者開明日遂至此何與何與將蒙陰報與則胡不康晉期頤將無端然與則明胡以復還吾思母明不還則沒也瞽也非瞽也鄰明也沒也則非瞽也瞽也以

考終以全歸蓋猶是當年行嫁茅城胡氏之介女而終身不作一惡不苦一人不妥發一言笑此慈適之行也母于是可以無恨夫常年不外而此年外外矣而雲雪阻於前不先不後不茅城召陵而在舟中母雖無恨而壘和之恨其誰能尋常之舟中彌留時顧家人曰吾舍汝去矣又垂涕曰吾兒子如冰凌查兒子吾頓舍去自是遂無言唯氣息奄奄漸無覺知安隱無豪髮艱危家人環集候眎見點首微笑者再時已無知矣想母意中定有一光景可憑可信可慰者在此故人天消息壘和何敢妄忖何敢謫注然予意中亦似有一光景可憑可信可慰者在而不敢以告

人也。壺和嘗讀既絕乃哭書甚服古人學問淵微審細至此情難堅忍不覺失聲時母已絕矣無知矣聞哭聲攢眉者再又似有甚創於懷者雙泪冷濺滿觚絕叫終天訣恨如斯如斯凡在人子具難下語於此際一慟不足言也返權東旋旅囊羞澀借之尹育蒼何勝癯王翼宸尹紹伊曾心魯邱梁六約三十金河涯胡氏酬地直四十緡家仲父借以成棺假于族貸于市得布三十餘疋草成薄葬並志以昭積俗厚誼題于戶曰無財不悅聯之曰殊慈萬適學難如再世嬰兒鄰下慟哭雙眸滴不出遺魂悽愴河干嗚呼千古化人雲集接代石言砂瓦然則摘九原之神理寫孤兒之哀怨續兩世之渺幽新一堂之離聚者誰也矧予之苦幽迷昧魂搖心死者乎銘曰
陽和生萬有也不自功物亦未始庸之大地載萬有也不自勞物亦未始報之吾再世不鄰下誰其撫之人之言曰此故自私其社者意皇天其不訐之唯吾一言自恠其多乃千百言尚未盡予之懷豈忘此者予序乞言者它耶于如何

明詩人涓圓胡先生墓誌銘

吾初不信一病可以沒吾師即鄉黨亦不信吾師以一病沒竟沒矣如何沒之又明年為崇禎己巳壺和讀書召陵

之背師嗣子令章走百里為師乞誌銘廬哉壺和每欲屬
草筆格格即不可下適者秋懷搖落悲生無端感宋生之
九辨且低徊于霸氣之浩淼也慨然大叫曰此吾誌湄園
師時也取其狀再讀之讀而置之追笑謔于步履想鬚眉
于夢魂印飛動豪舉之神于斷雲落葉似滅非沒栩栩蘧
蘧師蓋褰帷抵掌軒渠而有以問我于是壺和之誌師也
直湄園之誌湄園爾師諱然字亦然一字信衷有圓枕賴
干題曰湄學者多稱湄園先生自太翁以上世有隱德師
仲子也昆季皆諸生師為諸生有時名試于鄉者四不售
即棄去投檄裂衫為天地閑人才果力雄聲聲傑出氣可

以折五鹿之角膽略足以奪三軍之帥居恆聞不平事見
不義人血性浮動髮指目眦循眦刀劍恨不剗厥頭窺若
血之赤白也師雖磊砢奇縱不可一世然心小懷虛時輩
片善嗟稱不去口累月彌年齒筆常新性孝友十七孤奉
太母呻吟如孩提嗔為嗔笑為笑太母王前川先生女仲
雲長者姊傳家學喜歌咏師得句輒走向鄰前吟頌之太
母嘗因之解頤以為鼎說詩也一飲一食必同其伯季勸
食箸以洽手足為色養要事骨肉之樂天性之娛不啻甞
然空谷中愛念谿山曾搔首問天于華岳三峰以及黃帝
采銅之野達摩安心之處往復稠疊即一草一木悉知名

姓醉吟醒題奚囊盈塞爾乃脫人于厄排難解紛乃用等閒事故張世清之女尚光之子已賣為婢更復還之不索償歛人查思溪北來驚斫墨客死西華其子纔十三齡齡孀旅泊號哭無依迺按父簿追各郡縣逋負送查子還微歛扶溝桑雄飛以骨梗坐雀角則斤賣琴車獄訟以脫時游于酒終夜達旦歲課秫百晦盡釀之呼素好痛飲至瓶壘罄竭乃已臘殘務閒置酒高會長者東向坐子弟序列次第歌十九首諸名家詩每歌一首則釀一大白嘗醉于酒家以酒槽載還風調神韻幾不減晉人云少學聲律壯歲篇什擬諸開元大厯之前四十以還癖耽古業閉戶卻

婦大肆力于討論尚友之席又與洪元平焚舟共濟旌旗壁壘為之一變直欲問津漢魏不屑居六朝季孟間壺和問業門下者一年文酒琴尊貧病難虞風雨牢愁追游者蓋又六年至于蘭心劍氣金石不渝之盟則又非年歲可得而紀平生負氣直坦朋輩小不如意率面折之獨于壺和則方圭圓璧無可不可意殷殷惟恐傷者壺和少可多怪千人所指師為糞埽廓清呵除不祥心形相服生死骨肉之感畢吾生恐難消沈也豐軀強幹吐音鴻亮病卧之始召壺和與之哭壺和撫胸把臂瘦削如柴自是數往省展大約消息不可知最後往則奄奄欲絕太母與令章皆

在側天寒風峭相向寂寞竹爐茶沸舊歡不來壺和憑榻
再把臂不覺失聲哭太母令章悉助予哭顧師雙目已涸
無淚可揮壺和曰師可以浩然往矣古詞人或流離一飯
不得飽師廩有粟甕有酒矣古詞人或茅苔叢蘭惡疾天
折師安吉五十有六矣昔人或寂寞身後師有賢嗣作諸
生又抱子矣栗里悲來子之妻今師母尹能縞墓以素業
偕隱矣昔人或生存千萬言死不傳一字師集已成表壺
和行當託諸黎棗矣若是者師皆可以無恨師微笑領之
盡以其稿授壺和師雖門無雜賓然憐才廣聲氣客過華
往往相依倚如入雒陽張華入吳見二陸者然鍼芥既投

擊鉢刻燭傾蓋而故鯨飲呼天朗吟清嘯響入雲際座上
四方之士歲不絕病劇嘆曰湄園從此絕高人之駕矣既
復謂左右曰魂氣雖無所不之但招我時須向紫雲湘水
蓮花玉寨峰頭仍有絕筆師于山水吟咏誠與之終始者
師神觀意用大約天真不掩怒則頂門劈礮喜則半天卿
喬醒披豁醉頽放把臂促席襟以調笑間故作荒唐河漢
之語抹牢騷而消壘塊亦可謂極世外之逸軌高人之遠
致矣必也齟齬折腰媚時好以要品題則斷頭穴胸不為
也所著曰湄園集曰詩話晚好莊子欲箋注前人所未備
竟未就夫自金紫鼎彝一途欺人骨裏學者纔解帖括便

歌歌禮樂三千字陶性靈于烟蘿結知交于蠹蟬著書藏
山之事為此者不病則癡矣比人琴俱亡文章事業茫無
一有甚者官轍所及反予人以詈柄譚資則何若讀損益
二卦者之為得也遠且久者不論即如國家三年一大比
士冠晉賢者三百年來不數萬人不止煙草蕭屑祇為孤
免營宮室爾問誰姓氏鐫學士之肝勛名勒太常之旂虧
天藏地扶祖宗而蘇水火吾于武成取二三策而已矣彼
孫太初盧次樞徐文長輩果何如人哉師所乏者負郭田
充橐金類序之偽尸祝然于涓園先生固揮掄無少損也
悲悵之餘系之銘銘曰

卷六十七

五

絳貫無文陸賈無武半死枯桐拳勇驅露墨華掩日國士
無雙如龍蹠踞飛霆走電元黃渾淝淋漓滂沱霑淫渴竭
終歸劫生匣有湛盧試與不試我則無庸氣還蒼旻骨藏
邱壑流韻難降夢夢沈迷人位天爵誰炳丹青映散芳灰
江河萬古終大國風若者連予和血共碧殿預章生咨爾
後來讀書論世業許夔龍

抱甕丈人胡大先生生誌銘

夙癖古道慕古人往往夢遇之謂古人不甚遠比按目指
某某似某某然蟲砂獨鶴後先靡定輒私心咎匪鑒心故
自默默抑以其人實甚誰繫古處琴合百年不令感丹青

賦白頭前修中得數輩則抱甕丈人其選丈人不好名嘗薄杜預二石予好丈人甚身嬰貞疾恐一旦填溝壑不得揚丈人幽潛是予沒丈人丈人亦謂予不容無言因蒼聞見生誌之蓋蒼好有殊于常情故其事亦非常調所許者丈人先洛人國初始籍西華傳其世有南山公者生九子行二曰仰山翁丈人太尊也三子仲諱然字亦然即堯和師涓園先生曩曾誌諸石者叔曰甯字定表丈人孟子也曰慥字伯孺一字純表家世類千風高懷永洪元平以抱甕題齋稱抱甕丈人云丈人家距茅城里許與予家世講迄予情好彌隆余生後未見少壯聞諸先子丈人元氣渾

灝淋漓多古韻兄弟孝友夔夔怡怡出至性輓業空谷絕響方十有二齡時太尊病疾飲辰夕依鄰下侍藥餌皇皇成人壯既冠太尊沒苦塊有禮竭力營葬不以累兩小弱弟嗣後歲連惡雨弟鼓篋他方獨劬家務冰檠中無曉暮太母性嚴急救家細瑣必規丈人承顏接歡事必稱旨骨肉愜適門內多笑口此丈人之家庭與余得為役時丈人且五十見于座持重端凝不安言動然亦無峭削陡岸氣察其眉宇襟抱直吉祥善人金玉為式者逮今崇禎戊寅歷二十餘稔與丈人深矣凡咳唾動靜久暫常變之故靡境不顧齋舉不厚大約遺味在太羹元酒間遺音在朱絃

陳越間拈之無一肖似繹之味之即古韻骨繞懷衷太母
晚年痿遍醫藥得愈又十年失明則怨慕恨不身代太母
王仲雲長者妹傳大家左萊學丈人溫清在眎苦心祇載
庚曉歌慕呻吟嚶伊孺兒子悅可志意宛然弄雛乍啼之
為者薄田百畝粗糲自奉親極滫瀡餘以周戚屬聲氣之
乏津步枕門西圯崩修角社再梁之解方術手合丸散以
施全活頗衆喜釀酒暗符五齋拔籬邊蒟投之香烈溪脾
歲相屬新陳環連不斷大張罇壘風味湄師結客投轄勝
流騷士輟常接酒酣以往揚扈觴政未嘗不釀玉推舊時
向甕頭索酒弟勸兄酬歡笑彌日嬉嬉頌白兩孩提也見

高士耽戀若性命至倒屣下榻花晨月夕雨檐風燈余時
與王仲雲長者洪元平桑五文輩偃仰抱甕其中小院竹
木草石楚楚饒烟雲偏遠之况文酒清歡人務都忘情話
綢繆不知嗚雞幾唱環顧四壁豹囊篋城壘壘懸挂架插
襍蓄古今殘榻斷碑流覽可數日夜不盡凡塵至鞅羈者
不得入丈人齋入則伐毛洗髓頓懸天真余每盤礴其地
真覺羲皇昔天去我以寸古之人古之人彼伊川臥蓬孤
山放鶴或未敢方幅相齒酷愛臨池出入吳興襄陽雨家
索者漁網疊時徧華境不以自豪手撫心摹几案離離疑
抱犢木石余幾以抱犢易抱甕之目性度夷粹與人無競

敝衣入市或來妄男子詬厲泯然如輕風之過疎竹伸雲
長者居邑西偏相隔三舍丈人家無車馬春秋策蹇問訊
不絕苞苴甘曉沒世一日余背棄維桑逃寂南陀舊游知
問數載渺茫丈人後先手械問慰鄭重水天衝寒躬就水
邨載酒相存余踴躍淪棄老大放廢撫心清夜垂血不敢
告人丈人何愛此嶽峙可笑人低徊不肯置耶當崇禎辛
未嘉平二十二日先慈卒于沙水舟中明日還茅城乙夜
扶服過丈人廬丈人兄弟蒼黃率子弟儻從設火炬俟不
肖和于岸余時正窘貧赤鬻書之緡不足自活囊無看錢
食指百餘丈人知我酸苦次骨握手仰天絕叫殺人者再

卷六十一

七

涕長數尺幾為余斷腸荒原空林咸為助慟此予所以馬
鬣既封行遇丈人于途不覺涕泗交集浪浪霑裳也邇和
不死何以了此一段因緣四十年諸生于人未嘗有毫毛
角亦未嘗雌黃一人汪汪千頃清濁兩難犬牛之畜不行
叱咤行年六十有八尚耽筆研不輟功男子二人女子一
人茅城理瑩和曰膾莒異嗜素繪改尚雖以展季之和不
能不融于士師之日今談及先生血氣俱親豈古者多刻
鏤來茲反渾龐哉則其鍊性克己之學所謂中孚豚魚耳
借非丈人好我無間何以生徵石言于陳人其人苟無鍊
磁相輸之雅衾影難明之契亦何至毫無避忌放意抒言

一如自寫其鬚眉凡此皆古道也至于年彌高德彌即髦
髦期頤行事則以俟燕許手筆踵而華之銘曰

生誌古有之皆其人自為丈人乃假我搗詞則氣誼骨肉
鬼神可泣余又安能得辭愧怍俱埽俯仰無私誠正宜契
毋欺隱微兩道直可與古道相追隨問我何以力疾呵冰
而不言罷曰劉尹知我勝我自知

明處士劉長者暨配于氏合葬誌銘

始余應童子科赴汭遇劉濬一文學于舊許北郭對紫旅
食兩不相識食已星散去更數年皆補弟子員亦未結納
又十餘年予挾策柳步宿寨間則濬一遣其弟景雲就予

卷六十七

十八

學因是得交濬一又因濬一得登堂拜其尊人尊人笑語
燕洽滿面溫抑忘機忘懷為嬰為孺古稱長者近是又四
五年濬一捐賓客予亦牛馬塵鞅中間不見長者八九年
景雲亦復子佩青青今為崇禎十年予再館柳步濬一子
大生亦來就學乃長老暨其配于氏俱以老疾是年卒于
夏比冬十月二十有六日景雲大生將卜兆安厝焉夫予
於長者既三世素交又旅泊感愴老大風塵况存歿世誼
回首今昨種種櫻心者乎則竊言予不敢辭長者世家西
華下堤少丁危險茹艱辛備解古人齒折舌存義曰吾師
吾舌不憂蜀道阪九折也飲水集木幾三十年一切濁氣

化為卿裔性好佛法敬鬼神喜與人譚感應事其言幽明報復無毫毛爽每沾沾為鄉里導諭若東方曼倩行怪周急解紛時切同體之痛白首無數也畊田種樹本色澹遠有荷蓀丈人風氣間披簡冊覽觀古今成敗善惡之蹟與夫荒忽幻怪探道出世之說聞兒輩尹唔聲則喜動須眉疊疊聽不倦凡農家者流多與學問隔長者獨愛與苦心學問入上下議論班荆花杯陶兀兀居恆課子孫首拈心次拈學蓋昧心不可以名人失學不可以證心此外生產事絕口不道娶于于勤渠一生拮据家事成長者隱德長者常言吾龍晦足餐粥數椽禁風雨子孫猶識字令讀

卷六十七

九

書種子不絕皆老妻從冰檠中栽種得出長者將沒前有里親為濬一神降其家雪涕漣如云綠林未靖欲迎養二人於冥時于方健無恙衆咸誕之未幾竟先後相繼逝長者享年若干配于享年若干長者諱脫凡字鳳羽父諱應卜母朱氏男子二人曰崐曰景雲俱諸生崐即予友濬一也先長者沒女子一人孫男四人女孫二人曰大生廣生崐出曰廣心廣德景雲出其婚嫁皆詩書家有文筆善人商理壘和曰誌有二壘莊陵笑萊益劉義譏諛自漢唐來世人仍之矣按長者蕭散近古則誌如是可矣景雲式陵予式義哉是宜銘銘曰

山可泉水可田維德親者不遠嗚呼此理壺和之友劉崐者其堂上之牛眠也

傳

李姬小傳

夫英雄何以多藏于放廢淪墮中識之者少也夫識英雄固不須眼士果有風雲氣色千秋血性即未嘗把英雄臂而英雄已投吾夢寐箕風畢雨鍤子磁母冥契幽結誰能知其故乎世無若人英雄不山鬼盟則溷入詩酒聲色以自蒙安敢向賣菜傭邀品題吾以為英雄難哉英雄者天之私人也觸舉世之殺則暴天結菜傭之知則漬天惟以

卷六十七

三

詩酒聲色自蒙人亦以詩酒聲色遇之庶幾善護天然則詩酒聲色者英雄之干城也無甯詩酒豪即聲色亦甚奇俗子之聲色泥犁魔障耳聲色走去矣劉躍如新獲干城小名雙作李雙傳傳曰雙字雙雙以色霸平康然雅不欲以色著其妝樓可望陶上陶上躍如粉榆也雙破瓜時使食躍如才名心竊貪之性豪爽負韻居恆笑阿堵西施無目胡垂涎金屋玉牀竟不知周旋墨焰筆花間從措大掌上飛香浮藻耶儂若得當劉生死不恨屬躍如作壯游馬上征衫遍討人間幽勝今年塞北明歲江南意興偶逢遇場即家白駒繫維半挂侯門半落狹斜不恆歸陶上問奴

婢耕織事生產千金蕭屑四壁也是時雙技巧日晉奕棋
琵琶曲染翰墨遊戲三昧矣名大噪平原持錦踵門者多
謝去無頭可纏歌闌酒醒良宵撫膺悵望天涯念劉生不
肯置也自是亦稍稍客游宋衛作女措大行藏蓋彷彿躍
如之為者風塵冉冉垂十載屬躍如倦游還陶上值天幸
雙亦適還里中兩人創見于朋游座席十年岑鬱一笑散
失轉瞬揚眉送盡心目入夜移席月邊桐樹下雙翦桐葉
解縷帶穿其中心驚擲躍如懷躍如心解之高歌元人春
闈催赴白雙膚同心帶綰初以應故遲聲作媚座中客不
解也酒罷兩人各含情以去雙久旅他鄉乍還里中里中

舊賢厥色又魂搖其新伎如得怪物爭思下鏡臺雙奇辨
盡卻之竟置舟挂帆沙河直抵陶上拂躍如枕席薦不復
上妝樓騁望矣先是有水火之者謂雙曰劉生亦何足貪
其千金產盡耗也獨胸中墨汁未涸匣中劍氣不死耳夫
墨汁劍氣可以充繡襦作翠翹乎雙撫紫罵曰若何眼孔
之芥阿環西施儂素薄之渠豈闕繡襦翠翹哉且儂亦何
曾謂劉生足溫飽儂正貪若墨汁劍氣也人謂雙快口自
支耳乃卒踐月下桐心之盟噫異哉吾聞雙膚色曜玉髮
影渲雲質即豔哉世不乏麗人也獨怪躍如以儒俠自命
奇縱出沒疑于可知不可知自非學問風流可以駕躍如

者不能鑒其藏以暢其用使盡知鄉黨顧盼則放廢淪墮
中幾消磨躍如一生躍如隱矣雙見女子身具人天眼識
英雄于落托塞抑後始慕之終歸之則萊傭何處生活也
異哉

外史氏曰千古血涕者知己耳不知卽鐘鼎我冠匪婚媾
也知則為之死矣夫死且不忍惜遑問所死者一瓢黃金
哉嗚呼臣死君子死親友死友情之所鍾盡若斯吾安得
知己者死之乎士不甘心隸雙也可以興矣

附錄

孫徵君與西華左令書

憶乙丙之際璫禍燼天哲人實地忠毅先生之孤標亮節已彪炳千秋每一念之四十年情緒宛然在心耳間當時忠毅公與魏忠節黃忠端冠冕東南人皆以左魏黃三先生能有後嗣蘿生允之兩先生暨君家正直諸昆仲尚得抵晤于燕台易水之上敦敘舊好皆能光大前徽迄國變後魚雁杳然矣僕漂薄百泉已逾十載頃聞老世兄分符西華咫尺清光雖不能接席承顏而聲味可遙相聞問也偶于旅次遇諸生李樵詢知為貴治士子籍便附候因有

所感自逆閹鼎革貴治有蹈海外而不為之臣且恥與之同姓有理寒石先生諱邕和者當世所稱魯仲連後一人也僕素未識其人儀其風節尚可以廉頑立懦聞其家僅有一老母僅一妾與兩幼孫侍晨昏有子高節不能庇其老母此固仁人君子所惻然而深念者也僕訪其詩文零落尤甚惜之老世兄為聲氣宗盟於此維持風教之事片言懿行每摅輯使寒石之精神常在天地間而表章之功亦與之俱永矣李生寒石姻友摅輯遺文已面任之或不負也令親白仁兄諱夢鼐去歲寓書已作報字恐浮沈再錄一稿便希致之

王漁洋蘇門三賢詩

理寒石

本李姓也名壘和西華人恥與逆閹同姓改曰理孫徵君與西華左令書稱為魯仲連後一人

魯連蹈東海其志恥帝秦龔生天天年詎知有美新陶公懷晉室聊存頭上巾嗟哉均均流乃愧青巖甄西華理寒石為儒甘賤貧奉母蓬藿中歸潔恐辱身梟鏡破鏡與交鏡同蹄跡神州日沈淪靈氣久上天呼號竟無因感激癡姓名下士良苦辛何人傳節義誦言聊一申

理寒石先生文集序

卷六十七

五

天地無窮聖人英雄俱無窮以瀟氣所結氤氲摩盪縱刻灰有盡此氣終不可磨滅或運會所極聖人不能與天地爭功至性所存天地亦不能與聖人爭道天地聖人英雄其氣則一其力相敵其功兩相輔也推極之天地得半聖人得半故人之權為獨重寒石先生往已於傳中髣髴大略大抵至性奇行一處見仁覺處見知斷處見勇聖人之心濟以英雄之才千秋哉甯有窮極乎至平素著作墨寶餘子貴耳賤目見光氣燭天即投之間秘枕寶亦灰兵火高山仰止輒喚奈何摻羅有得則亦全海一滴全豹一斑也一斑見豹一滴見海君子多乎哉文不盡存存其意

不盡存存其人至於人則固無不存矣又烏用區區糟粕
為然一捫讀則須眉森然浩氣摩空懔懔有生氣而後學
之神志骨力亦與之相感而動先生往矣先生其不往哉
墨寶老而彌神精光奇峰直射南斗隻字中須眉志氣皆
拂拂從十指出先生真可與天地爭光矣門人萬宏祐撰

又

蘇門孫徵君與西華左令書稱先生為魯連後一人而漁
洋山人作蘇門三賢詩即引徵君此語以為定論蓋士之
特立獨行至死而不變者吾必曰先生焉今去先生之歿
百有餘年矣其從孫完璧為輯其遺稿而鉅之兵燹之後

頗有殘失所付梓者十之四五爾余少時喜讀先生文字
久而尋繹翫味乃稍能窺見其端倪蓋先生之文沈洋恣
肆有辟易萬夫之概而不屑規規於古迹其奇情快趣獨
往獨來可以想見先生之為人嘗聞之故老先生瓌偉倜
儻事事以經濟自期其於忠孝大節尤其所纏綿而篤摯
者不幸當明季倣擾之世懷抱利器既不得一有所施而
君親家國之感鬱勃於中而不能自己則假於詩文以宣
之其呼號涕洟足見服忠佩孝之旨即其流連景物要
亦別有託寄而非嘲風弄月者所可儼也晚乃就官南土
效節於危難之中投軀致命視死如歸雖古之烈士無以

過之信可以耀日星而勒金石矣至今華邑士夫之家得先生片詞隻字罔不競相傳寫即四方學古之士亦多有訪求先生之遺文者政使今日無雕刻之舉先生之述作亦自可長留於人世何者其貞魂毅魄凝結於楮墨之間不可得而磨滅故也非然者彫章縉采世不乏人不轉盼而為覆瓿物矣其得與先生爭文價之低昂否耶昔魯仲連不以文章著名其傳於後世者僅遺聊城燕將一書耳嚮使其雄文麗藻哀然成帙則世之諷誦把翫宜何如者嗚呼可以知先生之文之必傳於後無疑也古陳後學錢廷文

卷六十七

三

又

文章者性情而已矣古今文章所以傳者非以文傳以性情傳也寒石先生志潔行芳九死不悔死且百餘年矣迄今言忠臣言孝子者必曰先生而讀其書者亦必曰此忠孝之性情所流露者也蓋人無間言云先生著作等身星霜兵火飄零殆盡其從孫完璧勤苦十年乃頗蒐葺余復稍為之校訛芟複訂詩賦為一卷雜文二卷刻之嗚呼先生非一世之人是集非一世之書也校訂之餘并不敢定其為秦漢為六朝唐宋第其孤情至性篤摯纏綿無非君臣父子夫婦昆弟朋友之際而往復流連如過其人于筆

墨言語之間論語云有德者必有言記云情深而文明吾獨怪後世之所謂儒者平居止知食性理近思之唾餘飲定山白沙之糟粕在家在國外飾為中庸之徒而究無當於為臣為子之萬一及夫大變猝投則又藉明哲保身之言以文其草間偷活之罪其人如此其文槩可知何者性情偽而文必下也嗚呼此吾益信寒石先生之文所以必傳於不朽也夫乾隆十有七年二月之晦同里後學張遠覽謹序

寒石先生

寒石先生余之從曾祖也先生多奇節抗志古人于書無

卷六十七

七

所不窺而不能汨古人籬下所為詩古文詞奇情異致縱橫排奐卓然自成一家生平著作甚富殉難後遂散佚不可多見百川童子時于殘書敗篋中偶得其一二零章斷句風流儼然而蒙稚無學莫能識其大意年來蒐羅逸草訪于鄉之耆舊士大夫之家得片言隻字每搜集之如是數年積漸成帙每思剞劂又慮散亂無紀傳聞多訛乃拜託友人張君偉瞻為之編摩校訂又是質之陳州錢君樸安兩君者研經博雅名重當世乃不辭勞苦俾先人精神面目不至淹沒余小子之幸多矣於乎先生生於明季遭鼎革之變捐軀殉王家國無負而文章零落百餘年來始

克行世豈非人生之憾然余聞古人生成千萬言身後不得傳一字者有之先生縱復如是而生氣終留千古況今而後已世有其書哉是書刻于乾隆十有六年冬十一月竣于明年三月從叔完玠族姪學儒及同族捐金以成之厥功皆不可沒也姪曾孫百川敬跋

續中州名賢文表卷第六十八

宛平 邵松年 伯英

理寒石先生 寫本

雜著

沙水需言

學人個個肚裏都有幾許要幹底事要說底話幹事雖則無力說話未嘗無舌然說來寒賤無人聽聽去便惹是招非徒作有窮棚質何似嘿塞之為得也但天地父母生長一場君師朋友教養一場寔不忍伏馬寒蟬灰飛烟冷且說幾句寂寂寥寥迂迂腐腐話頭真如候蟲時鳴凋嘶啾

續中州文表卷六十八

一

啣於荒露烟林之間誰從過而聞聞而聽乎倘有聽之者則露林細響即不敢比方歸喜提扶即都之感然亦不為枉生也夫因旅沙干曰沙水需言云需言者感事也

白鹿洞學規

父子有親 君臣有義 夫婦有別 長幼有序 朋友有信

右五教之目

博學之 審問之 慎思之 明辨之 篤行之

右為學之序

言忠信 行篤敬 懲忿窒慾 遷善改過

右修身之要

正其誼不謀其利 明其道不計其功

右處事之要

己所不欲勿施於人 行有不得反求諸己

右接物之要

此聖學也唯誠可以括之外則日鈔書一二紙日讀經史一二版日識一二字白首不渝以俟闔木子兮子兮今天哉天哉理學和記

余年四十二病軀脚又三年曾甚廢矣廢無營以讀書為礪耐迺讀書而不覺淫淫啜泣之無從也痛癢經心曷能

己己因知書是活書有靈有勝能歌能舞多少聖賢神鬼住裏許伊又各有多少笑啼悲歡待情人亦有妙處難以傳人苦處不可告人天乎天乎從前都嚼木嚼蠟讀過今日始知是板雕煤印一場好哭一場好笑大約書上神理隨人學力為淺深譬之畫船入水也水長船高水落船低船有高低船無高低也高者高矣低者低矣船無功罪也高可使低低可使高船無意必也會撐船者高低皆可達海不者風浪一擊舟覆魄沈魚鼈為棺翻魂怨創木剝之者之不惜矣雖然水淺何妨水有真源但能保我天生一滴千江萬河都我兒孫馮夷陽侯誰非臣妾更何羨於碧

漲洪濤也哉祇恐自雄聰彊甘續鼻盪伎倆則篙折舵敗
無復船影矣是則余與書認親蓋自廢始親矣一任潘將
軍丈夫之嗤蔑蔑也崇禎己卯冬十月哉明日記

人生病痛千醫萬醫不得痊可只有一藥便可轉死回生
曰讀書或謂讀書反以添病者是不曾讀到或謂讀書病
不減前者是不曾讀熟願讀萬本頌萬過口角流沫右手
眠故書不厭百回讀熟讀深思子自知凡此皆肘後方也
更有一經驗方澄神定慮緩視微吟身體力行以真以恆
諸儒所注六經諸儒之六經也與諸聖無涉學究所講四
書學究之四書也與四子無干

卷六十八

三

六經皆象也何必易
學而時習之此語何必非象

橫逆之來且休先責彼妄人正須急翦我禽獸靜坐時一
念不誠便是禽獸不須橫逆時

王文成說春秋大有妙解謂經不借傳此自千秋一見
學問蹉跎不得力會須脫胎換骨若斬新別是一人從令
犯手自可憐心若但救弊補偏貪圖省事一錯二誤恐仍
前還喫舊鍋粥

四書中有音節語有正語有權語有哭語有笑語有淡渺
語有激勵語有不了語有緩語有緊語有因語有感語有

影語有無端語種種不一如天地之陰晴冷暖日行月移
瞬刻百變不可端倪儒家一例講誦盡走死局千古活跳
事物束縛不令轉動是匡圍陡起於肉眼秦火再焰於腐
胸迺從而攻匡誅秦以燕伐燕所讀何書

假金遇火則形消過石則色變世間何境非鑠我之火試
我之石真金正從此際發露元神信我信彼其試我鑠我
原非淺薄相待何畏乎猛焰之過烈何讐乎冷石之無情
夫然金即不假難免不祥

仁者謂仁能生而不能殺也知者謂知能殺而不能生也
百姓不知生殺其繆不死不活又曰仁天之徒知地之徒

卷六十八

四

百姓忘思負心與天地不相干連
參前之參古音森曾參之參古音驂各有義味因思趙盾
趙衰伍員鍾繇之名密子賤卻克屈原員半千之姓今皆
謬呼此類甚多雖無大傷害然稱張三為李四終竟未妥
耳

詩經春秋二書太史公看得極別其言曰春秋採善貶惡
推三代之德褒周室非獨譏刺而已也詩三百篇大抵聖
賢發憤之所為作也讀古人書須具此手眼若轉人腳底
寄人廊廡終是驢前馬後豈堪抵掌披心

余喜識六人姓名曰黃道真曰杜亮曰楊世昌曰施宜生

曰唐珣曰魏顯昭道真桃花源記中漁人也亮蕭穎士受杖不去僕也世昌赤鼻賦中吹簫客也宜生為護中原洩筆來消息受亨士也珣豫藏宋陵骨種冬青人也顯昭左右姬瑤林死勝難忠義門子也

人身無景景有為也人景不一一景非正也兩水映之而兩三燈取之而三四鏡照之而四去水燈鏡獨真身在而諸景悉空然則名理有身有景儒者之見則水也燈也鏡也即日月之照亦景也如之何以水嗤燈以燈嗤鏡哉呂蒙少時深入大軍其母責之長跪對曰貧難久處此誠淺陋然傷筋動骨處亦足使老大書生回首茫然茫然後

卷六十八

五

則奈何今上初御極時以金甌卜相自謂公普得人立望太平既而事業渺渺不稱倚任後每語及此事輒悵然曰金甌誤我因改用枚卜余謂枚卜一金甌也金甌不效則用枚卜枚卜不效行議荐舉荐舉不效將用何術故取人以身雖上之自為計乃誤金甌者誰也揆席上不可不長思也

張子長作樂經未見流行

學誠而已矣天人消息造妙於此更無他歧他與同空圖銘秦阮云秦術戾儒厥民斯酷秦儒既阮厥祀隨覆天復儒仇儒祀而家秦阮儒耶儒阮秦耶此銘三十二字耳快

論足千秋况秦無儒何阮乎世無能滅秦者故秦以自阮
子知內阱秦人首試毒藥然則欲阮人者可以悟矣
老子不如石柏舟心匪石固也然介石貞吉故石可也瓦
礫不可也或曰瓦礫無嫌瓦礫而託之鼎彝瑚璉則天下
並不得瓦礫之用矣迺已復失其質

兩玉不可以相成故以石治之蓋精瑩必生於猛烈故詩
曰他山之石可以攻玉雖然玉已玉矣他山猶他山也學
者與以己身攻人玉何收他人為我山

大學中庸皆有合為一書者又云學以經之庸以緯之者
禮記分序殊妥其間異中之同同中之異不可不知知則

分合無不同不知則分合無一可也夫大學主人中庸主
天學由明入誠庸以誠涵明堂堂本一門徑微別是以欲
徹理奧當妙分合如一個人物說言則曰一身詳言則有
手足耳目之別再析則手有左右指節筋爪面背耳有輪
廓穴洞目有睛眥黑白之異若但渾曰一身如目病而語
人曰吾身病足痒而語人曰吾身痒如此含糊雖和緩將
於何地下藥則分言吾目何處病吾足何處痒投藥奏效
此分別言之而得者若認定分別不識渾淪浹洽之妙而
以面部專屬於上血脉與踵腓不關足部專屬於下神氣
與項領無與彼此隔絕立抵滅危豈知乾坤一身萬物同

體之樂乎則合吾面無別於踵腓吾足無別於項領周身
泰豫此又渾淪言之而得者故學者不可不知醫古堯舜
周孔皆醫聖也典謨風雅皆醫方也此可思二書之分合
矣

附學庸同異考略

略曰大學止善中庸明善止善之聖人為人君臣為人
父子與人相交缺卻兄弟夫婦下面即敘出弟以事長
于歸宜家則五品備矣明善之寔地以事父以事君以
事兄以施友缺卻夫婦上面先拈破造端夫婦下面再
敘出天下達道則五品備矣大學自明自慊中庸自成

卷六十八

七

自道齊治均平位育寔際格致誠正中和分地而歸趣
嚴於慎獨無二端也其中言命者七曰顧天明命曰其
命維新曰命不于常曰天命謂性曰大德受命曰居易
俟命曰維天之命無兩解也博學審問擇善固執則切
磋道學之方也正己無求邈世不悔則琢磨自脩之旨
也戒慎恐懼不驕不倨則瑟憊恂慄之心也齊明盛服
非禮不動三百三千齊莊中正則赫喧威儀之韻也有
望不厭世道世法民勸民威血氣尊親則不諠不忘之
極致也大學戒閒居之小人戒務財用之小人中庸戒
無忌憚之小人戒行險之小人戒的然日亡之小人大

學八條目修身為本中庸九經修身為首大學知至而天下平中庸篤恭而天下平惟是中庸言鬼神者三而大學無之鬼神純乎天者也誠也故開卷曰天誠之原也大學言好惡者三而中庸無之好惡純乎人者也明也故開卷曰德明之原也何德性之德何性天命之謂性

內監王安光宗伴友也光宗賓天時預受顧命比哲宗蒞阼狎不順安正色多所匡直嘗因宮中濫賞從旁颺言曰多矣多矣上為中止時魏監欲竊弄大柄心憚安不敢動值安離上左右率羣璫惜此事爭短安上亦隨嫚罵曰劣

卷六十八

八

奴何以禁朕不令行賞然心亦殊憚之浸潤既久百計羅織竟以莫須有事謫安司漏西海子尋致寤殺魏監遺恨未平族羣犬食其肉頓盡自是魏監目無一人為所欲為以至不救野人曰士君子一身生死去留關運會盛否則學問風烈之氣有潛與造物通者安踉蹌老中官蓋爭毫末於閭茸輩者其身至與君德時政相生死彼當日揆席經筵者皆何人也憶杜君之家食時筆研日夕狎嘗因觀伎至教合君之曰此誰者結撰佞諛婦寺至此余曰非也譏大僚也

古精奧之言至四子五經止矣學者無事更鎖鬼窟故余

有味乎淺俗勸世之言寔則處士措大朝廷縉紳皆當深
省者偶拈三則一曰見不盡者天下之事讀不盡者天下
之書參不盡者天下之理甯可懵懂而聰明不可聰明而
懵懂一曰惱一惱添一老笑一笑添一少鬪一鬪添一瘦
讓一讓添一胖一曰嘿嘿嘿無限神仙從此得饒饒饒千
灾萬禍一齊消忍忍忍債主冤家從此盡休休休蓋世功
名不自由此數語何殊楊五伴侶余擊節不能置菖芹之
嗜遂欲徵諸插花筵上安知夢回酒醒之餘不一咀嘗自
恨知味之已晚乎

數年前鈔書內有一則耽愛之極忘其何人語云字無意

卷六十八

九

文無筆女無態男無殺天下之大戒也故曰臨摸賊意補
湊賊筆結束賊態童心賊殺余謂數語精妙真箇中追魂
奪魄手末四字尤有功德直向德河愛海裏救活無限情
癡漢子

矮良曰精神為人之聰明寶此一語如餌仙藥
古人讀書具有頭腦如宋儒讀學庸論孟法可見漢儒雖
精奧未極然大處儘提掇得好今則一味鹵莽借為漁青
獵紫之媒除卻八股別無學術即讀諸經鈎子史亦是此
副意見佐助八股與學之一字了無干涉余嘗謂朝廷
朝罷科目秀才夕罷讀書不妥也高深不具論如論語兩

字疏云論者綸也輪也理也次也撰也以此書可以經綸世務故曰綸圓轉不窮故曰輪蘊含萬理故曰理篇章有序故曰次羣賢集定故曰撰答述曰語以此書所載皆仲尼應會弟子及時人之辭故曰語此等處白首不知理會者十嘗五六甚至並論字讀為去聲又有讀為雷音者謬相傳累世不變良可嘆也

秦禁藏書一二故家策簡皆嚴鐫不敢示人漢興馬上無庠序之設孝惠雖除挾書之律然左右悉以拳勇進無一人道及此事至文帝始廣游學之路一時羣籍並出而論孟孝經皆置博士此諸經所由以興之祖也然則漢文崇

卷六十八

十

尚墳典厥功直與天壤共敝余謂紫塞宜闢秦皇之祜黷宮當拈漢文之香

說文暨博古全雅不可不覽其賤解經書往往有奇理引人入悟

皮日休以房杜為真相李晟為真將然則假相假將自昔已然又何怪乎後來之沒沒也

劉元城論相最得大體者惟李文靖公沆有人上利害一切不行祖宗經變多矣所立法度如老醫看病極多用藥不至孟浪今皆用不炮不製生藥又創立奇方而以人命試者不察病原不診脉息一味賭賽方術吾恐人命危淺

更當牀蓐久困大飢大寒之後一旦投以峻刻毒猛之劑
竊慮其闔藥不過耳況乎羣醫競效朝溫暮涼紛紜百變
以爭一命知醫孝子於誰適從

仲尼微言不盡於論語禮記家語所載真偽影響難質論
其斷之無疑則思孟引言者是子思引二十一條散見於
論語者二孟子引二十六條散見於論語者六引仲尼之
事數條散見於論語者二其餘不知皆出何典不謂二子
所引外遂無餘裔然則仲尼微言不盡於論語並不盡於
思孟所引故學者當體會仲尼所已言當體會仲尼所欲
言當體會仲尼所未言當體會仲尼所欲以語我者如我
見仲尼當有何問我侍仲尼命我言志我作何對我與諸
賢同時作何功課遇陳宋匡蒲作何情味舉動如此看去
論語世界儘寬論語笑語儘活

明道看論語專看仲尼氣象此意開學人無恨悟門余更
欲備索其笑語之韻覺滿前太和換人骨胎靈人肺腑蓋
嘗按而求之開口言說言樂嗣則言貧而樂言不如樂言
樂山樂水言樂不改言樂在中言樂忘憂記者言子說言
子樂言莞而笑是何仲尼之善說善樂善笑哉以至溫良
恭儉讓五德中皆樂意也耳順心矩二十年皆樂境也言
與人歌言反而和則非一歌也言取瑟歌則且瑟且歌也

言哭不歌是不哭時半歌場也又何仲尼之善歌哉至于
自以為幸自以為戲無非樂意歌意之傍徨耳夫一部論
語文章幾何乃歌與說樂層見疊出微言豈費詞之籍而
春風非一筆可描則記者意遠矣至求其怒則斷斷絲毫
無有鄉黨備寫聖真惟不言怒他若紀子畏子慎吾憂矢
天絕陳絕宋要諸凡喟然憮然處色色點染鬚眉動盪無
境不摹卒不及怒字固兩然則聖人直無怒也學者觸事
臨境怒多而說樂少則未嘗看論語也余既述此則取論
語覆按之見滿部中章章句句有說樂歌笑之味有說樂
歌笑之聲有引我說樂歌笑之教余乃迹踐而響尋之甚

卷六十八

十一

矣余小子之誤也學者請以是讀之怒耶不耶說耶樂耶
笑耶歌耶不耶則活仲尼宛登吾几研問

讀書窮理作人都從源頭來既免支離又得受用初余讀
室西南隅為與又讀屋漏西北之解私意屋四隅必各有
名編求之得東南曰突則喜又求之年餘得東北曰宦則
彌喜曰吾室之四隅全矣然室中曰時猶未知也又年餘
乃以無心讀出則又喜一日讀爾雅則五語相連數年間
求而始得者一刻會之乃知無本之學枉費歲月徒勞揣
摸然非余隨處尋覓縱遇爾雅亦直尋常繙過不如是之
慨慕留連也夫室中之四隅雖全書中之四隅人中之四

觸性命中之四隅則當於何爾雅求之余茲懼夫

宓義作易後三代遞用之首艮首坤首乾彰若日月獨唐虞兩聖妙闡道奧未嘗一語及易殊使人疑今按易文除屯否賁剝頤咸遯革明夷外其五十五卦言中者反覆疊疊幾將中字飲之食之醉之飽之夢之魂之未厭也迺堯舜當年密傳祇惟厥中一言則兩聖於易深乎其深全無端倪可窺信善易者不談易也余嘗謂淵明之琴賈堅之射徐熙之畫華九方皋之相馬皆別有一種神理不當就事境刻劍然則神遇易者必不謂易為六十四卦之書也凱風親過不小矣婦人止此一身耳此身一敗百年塗地

卷六十八

十三

即河山社稷不敵然則凱風何以不怨曰小弁處父之變者凱風處母之變者易曰幹母之蠱不可貞凱風不怨得中道也非謂母過小而不怨也以凱風為小似非以信命訓坤道而女貞之操蔑如矣請以還質子與

漸之進也之進二字連讀如何之矣又何之矣義謂往而進也往而進此之謂漸

鳶飛戾天魚躍于淵詩言本自尋常不過興起壽考作人緣何子思便看到上下察處當年每怪子思奇悟賊人鳶何日不飛天魚何日不躍淵常人只見鳶飛魚躍耳所謂上下察者安在子思從無蹤無跡處闢此奇悟後人執綏

循階尚夢不見上下察消息影響此亦千秋學者起疑起
悟一大公案偶講關雎章因河洲荇菜旁及鹿鳴鵲羽遂
略通子思之意夫雉鳩荇菜何與君子淑女鹿鳴鵲羽豈
涉孝子忠臣迺詩人逼著便引出肝膈觸手便透出幻妙
然後知有本之學雖眼前小物無不與性命相流連古人
即草木魚鳥屑微毫芒間便看出偌大道理恁般上觸天
下觸地恰似龜息客葉落烏語等間喚覺豈如重聽漢濃
睡雷齣泰山崩於前而不醒耶是則子思悟竟原非與人
隔絕不可登假而鳶魚飛躍之詩未謂可以尋常二字容
易了結要看我一室中天淵如何飛躍如何果否有鳶有

卷六十八

古

魚那壁廂自有子思來說察上察下話頭

是個人家有門戶有牆垣有堂室有井灶有園囿有院落
何處非家何處真是吾家是個人身有皮骨有血肉有腦
髓有腑臟有精氣何處非身何處真是吾身

唐虞是一樣世界三代是一樣世界至春秋時便是三樣
世界何三曰列國是一樣世界仲尼門內是一樣世界者
世界裏又生出許多世界

周公不負達字仲尼不負窮字窮達到得趣處到絕妙處
都只一般忍痛忍癢之說還是在賢哲分上揣摩磨齧窮
達兩字卻不道周公百歲癢仲尼一生癢

一呼一吸與天地通與千古通與山川草木魚鳥通此之謂通些小隔礙分你分我者便叫作不通

人生一舉一動天輒覺知非天高聽卑說也天地是活天地人在天地中如子處母腹中母呼子呼母吸子吸死母無活子死天地有活人物乎子纔動轉母輒覺知蓋妄動狂轉直致母經心之痛非為子痛也曉此則我呼我吸便是天呼天吸我動即子動母腹中才入匪彝天地那得不覺那得不痛非痛我也直是天地自痛懷抱中寔寔不甯耳夫人子不當遺父母憂人生奈何致天地痛然則十餘年來殺運煽播逮今天未悔禍凡在母腹中者皆可深思其故幸無動轉不堪令劬勞母氏服紅穀米甚而服墮胎丸也

卷六十八

十五

讀書須要識字上論開卷一學字下論開卷一先字大學開卷一大字中庸開卷一天字雖未敷敷理奧已是將人凡胎轉換昇提青冥上面俯眎人間內中夏外四夷如一盤碁局歷歷分明然後下來世間與斯人尋尋常常打夥過活若只在碁局中作個碁子終是被人拈來拈去動靜了不自由余謂此四字蓋脱化碁子法也不然從一句一讀尋行數目讀盡山梁知命絜矩尚綱仍是一個不識字

措大

磨盤若總無心則推移必翻墮若有兩心則推移不動若心先蕩搖則推移必錯若心稍傾側則推移必蹉若偏傾則又不謂之心而推移必不能上下相合一線不差且半有生吞活剝之病然則不能無不能兩不宜動不宜傾側不可偏傾雖磨心亦有然者
任你是次骨窮漢頭上必有全副天腳下必有全副地皮裏中必有全副精靈如何便彙縮龜伏認真命裏應乞乞本是命任你足瞰鬼豪家頭上必無兩副天腳下必無兩副地皮裏中必無兩副精靈如何便腔胸鼓腮認真人不如我我強似人

卷六十八

十六

日月照虛空聞性靈照人世聞然則性靈我日月也天地生古今物性靈生古今理然則性靈我天地也消息妙在一誠才不誠頃刻間豈天崩地裂日槁月枯我亦垂頭死矣若當下把真誠提轉頃刻間便乾泰坤甯日亭月午我卻又重生一番且是義民軒臣脫去末葉塵垢永不為三代以下人物到此真信生死古今由我自造

天道萬古一日地道萬古一日禽獸道亦萬古一日惟有人道倒塌破壞不信但看牛畊馬載犬守雞時萬古天職何曾虧損半豪

學者一刻有一刻勾當一刻有一刻成就一刻有一刻生

死嚴甚亦畏甚豈可混障白折一生

論孟中既載孔孟名則集註採諸家語宜正書諸家姓名為當乃但云某氏某氏是字號臣子於君父之前矣是臆論孟為陳簡策而非活孔孟矣此亦朱子小失點勘處若漢註馬曰王曰包曰鄭曰吾無責也

好好一個人身忽然化為異類只是一纖私意障卻眼睛奪卻靈爽忘了胎性迷了來路有父母底父母為之醫有師長底師長為之救若既無父母又沒師長或齒高氣勝或位尊勢重這般人誰好醫救誰敢醫救他又受得何人醫救請看江記唐鼠周處戴淵多少好樣示人此事難便

十分難返日補天猶小可易便十分易燎毛消雪還難虞痛處一刀千魔具斷當下孤誠百聖登堂可以為人可以為天彼護疼護短瞻前顧後者只是異類緣重生前死後落得個不堪拈似此等處不讀書不伶俐沒氣勢者陷人極劣大約是此等人占了多半

人生土地宅舍衣服牛馬爵祿名譽山川圖書一切色相都可買得來賣得去惟有兩物買賣不得曰天曰我我與天如白玉合子上下多一扇彼此皆缺整整齊齊堪堪可正正好正好或曰五倫可賣乎可則繆然有賣之者春秋載君三十六賣君父也吳起求將賣妻也李氏六月四

日賣兄弟也若賣交則所在有之不必鄙寄也雖然子矜之夢夢帖括白頭薦紳之耽耽鍾孟臆目棺一閤不再出眼一閉不再眎身一往不再來安在我之不可賣與是人世賣不去者獨有一天此處天失良耦白玉不合傷哉以知腦我恨我惟有天愛我念我疼我憐惜我亦惟有天其在于今急須回贖已賣九分九釐之身還償大造無更立向十字街頭自插草標

本乎天者親上本乎地者親下親上則與天俱上親下則與地俱下最是律襲本領

研則石封拜乎然子何匙燕何劇故封拜有時而濫書則

楮登庸乎然鴉塗何劇龍跳何匙故登庸有時而輕濫則封拜者悔其加于此穀輕則登庸者恨其賤于沈冥夫然則應研不研者在石可以自慰當書不書者在紙翻足葆貞

從者見之出曰之下出上中間藏有無限周折當時賓主促膝神合志通千秋奇晤妙堪譜繪封人具識天識聖一副眼孔其品韻當不在顏曾下難道捏怪裝妖仲尼見封人無言封人見仲尼無語吾意慰藉綢繆適館授餐應有一番情事一番光景郭奕之三嘆京尹之輕薄定有不能己己者縱曰目擊道存情深響滅豈其並送迎晉接都廢

茶椀揖讓俱空可紀不紀故示缺略論語如此等處皆留待後人受用耳嘗見畫家傳人外難傳之韻每於筆斷墨絕尋人耳目不到意想難猜處行之論語如此者不少諸如羣公問政全無進反之儀宰都攝相室存去國之文伯牛既亡豈不往哭慟哭顏淵豈不問疾問疾豈無預決之言顏樂不改屬纊自嘗此時改則竟改矣何以曾子有啟手啟足貴道遵丘之訓乃顏子卒無可留之德音師冕見明着某在某在之文則四座必非一賓何以姓字了不知誰何而長沮桀溺反附以不朽楚狂歌鳳弟子必有執輿者如樊遲御如冉有僕歌闋其人焉往僕御豈不能窺下

車去歌時幾刻何以辟不得言上車後又作何等情味用舍行藏面訂也度顏氏非請事斯語則離席遜謝何以茫無下落如無其人然女奚不曰憤樂老至之下子路當作何解豈應聞去泥塑木雕廣此之類其間宜錄不錄或以道理而止或以文字應結或遺逸缺漏而不敢增或風鉅天趣之適應住或行墨難傳留藏妙境以引人悟然則論語非一論語論語非死論語有言說之論語世界甚闊無言說之論語魂變彌長讀論語者亦曾讀到空寥無字無句處不到則許汝親見仲尼來

聲應氣求事理甚妙乃氣求更覺淵微響籟宣傳外別自

元通如幽華引蠶密崖集禽紛至捉來雖帝王翹車相招不如是齊一迅疾也既思聲應一竟毋過未盡蕤賓彈而方響躍牛振鐸而黃鐘諧為淺事吾道一貫曾子獨唯父召無諾只為聲同若門人之問則如雁臣契貢必待重譯始通雖獲曉解終欠索性夫一部論語萬喚千呼唇敝舌乾聲響亦不細矣為甚顏曾思孟後只有濂洛關閩輩齊來答應我朝自河津白沙姚江外嗣後如毘陵盱江甯陵吉水堂邑諸老皆隨呼立應者是則同聲一語未易草草讀過乃今之趨走來前高聲唱到者又誰耶且試聽仲尼喚聲歇未

鷹草雉鼠類能化獨人則窘非也惟學可使之化化水化火化澤化風化山化雷化天化地在我而已或曰誕哉曰嘗不學易無以化嘗德性習教事繼明炤於四方則化水火朋友講習申命行事則化澤風思不出位恐懼修省則化山雷自強不息厚德載物則化天地故物之化也一而滯人之化也圓而神其不化也乃誕而化者嘗考化字從二人一正一倒此意極微我欲化則化之矣獨是鷹草之化以天而君子之化以學學人天也故不學者無天人學不學則貧則賤則病則禽獸則夭死學則無是則不止于無是


不學無誠不誠無學學則誠誠則學


既有天地又有品彙又有聖賢經籍我於古今儘不孤弱然不能以奉不誠之人

寒石先生沙水需言未見刊本余從開封守吳仲擇觀察借讀文集三卷後附需言一帙乃鈔本也亥豕魯魚舛繆累累然有揣不得者不敢妄改仍依原本錄之俟得善本再行校正項城楊仲唐孝廉輯陳學考摘先生需言數則有此卷所無者然則此尚非全本也余續博紀已收入茲不補錄丁酉七月松年記

赤城圖引

一團赤城中原無兩種人物紙緣自畫區界各顯神通由是城中之城則為聖為賢城之又城城無可城則為最上神人不則種種顛墮何人不有何物不具由是物復有物物不如物以至不可究詰真有未可如何者然一團赤城未始不在亦未始減少毫毛又不須曠外遠求依然還在這大圈裏但能一吸一呼便可回生起死若竟不照不管決然獸走禽飛好座赤城請急著眼住向中間纔覺絕妙





赤城圖說

外城天築內城人築八達四通道路分明層城形色無二
無別生也在茲死也在茲

赤城圖說頌

天築人築頌

天築人不盡人人築天乎其天欲問神奇變化予誠往就
居焉

達通分明頌

更沒絲毫阻礙緣何亂走胡行畢竟胡行到了腳心踏破
受疼

形色無二頌

大城誕出小城牆烘染胭脂一抹妝莫訝模糊難揀認由來兒輩似爹娘

生死在茲頌

來去去來太紛拏時時城裏歎天涯更憐旅髻蓬搖落醉眼迷離不憶家

赤城解

天啟丁卯余年三十有二備書柳步曾揭天下雷行示從游謬謂誠字可盡學問祕奧十餘年來耿耿心目雖已經前修道破若似賸水殘山然一度拈來一度歡門門直走

達長安排將榜樣十分好誰肯殷勤著眼看如論語首句時天時也習人習也誠則天道誠之則人道非誠則時不成時習不成習矣孝弟非誠乎為仁非誠乎不誠則為巧令此曾氏所以懼不忠不信乎篇篇章章以此意求之則天通吾息雷館吾胸丁卯影響彌覺親切每欲以學究之言箋疏此字而家藏字書荒散不敢下筆夫人無不誠敗成者言為甚故獨從言此人人共曉者惟是中庸以自成註誠而成字竟未可解竊意成即富有誠義試觀戊土包乎外而丁火宅于中蓋地用莫敦于土而人化莫嚴于火今土行人概渾樸雖極變詐輩過火起則邪心頓泯是其

一驗又俗謂心不堅者名水心事不真者曰撓水夫以水為偽則火為誠矣余謂此字即去言邊單闡成義已該天雷之旨况天中所函無非地雷中所藏無非火則變化幻渺非言說可罄者古文成字戊中丁形作一圓點更可參味此際儘可無言而余其將與誰言既繫象作圖又贅之解

翰林院編修前河南學政後學邵松年書
閱五年乃成
光緒己亥冬日記



